

**STENOGRAM**

**PRVE RADNE SJEDNICE SKUPŠTINE KANTONA SARAJEVO  
ODRŽANE U SRIJEDU, 28.12.2022. GODINE SA POČETKOM RADA U 10,00 SATI**

Predsjedavajući Elevdin Okerić u daljem tekstu (predsjedavajući):

Otvaram Prvu Radnu sjednicu Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 31 zastupnik, što je dovoljan broj za punovažan rad i odlučivanje.

Izostanak sa ove sjednice opravdale su zastupnica Marijela Hašimbegović i zastupnica Sanela Klarić

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo je na sjednici održanoj dana 16.12.2022.godine utvrdio dnevni red, a isti je dopunio na sjednici Kolegija održanoj dana 23.12.2022. godine.

Prelazimo na utvrđivanje dnevnog reda današnje sjednice.

Na osnovu naprijed navedenog, Prijedlog dnevnog reda današnje, Prve radne sjednice, glasi:

1. Poslanička/zastupnička pitanja, inicijative i odgovori;
2. Prijedlog Odluke o privremenom finansiranju potreba Kantona Sarajevo za period od 01.01. do 31.03.2023. godine,
3. Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.2023. godine do 31.03.2023. godine;
4. Prijedlog Odluke o davanju saglasnosti na Odluku o privremenom finansiranju potreba Javne ustanove „Služba za zapošljavanje Kantona Sarajevo“ Sarajevo za period 01.01.2023. godine do 31.03.2023. godine;
5. Prijedlog Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
6. Prijedlog Odluke o imenovanju predsjednika, zamjenika predsjednika i članova Odbora za javna priznanja Kantona Sarajevo;
7. Prijedlog Odluke o prihvatanju ostavke i razrješenju člana Odbora za žalbe javnosti Skupštine Kantona Sarajevo.

Molim zastupnike da se izjasne o predloženom dnevnom redu. Zaključujem glasanjem. Molim službu da objavi rezultate glasanja.

Za je glasalo 30 zastupnika, protiv ništa, suzdržanih ništa.

*Konstatujem da je Skupštine za Prvu radnu sjednicu Skupštine Kantona Sarajevo usvojila dnevni red kako je i predložen.*

Prije nego što prijedemo na realizaciju prve tačke dnevnog reda obavezni smo da razmatramo Zapisnik sa stenogramom sa Konstituirajuće sjednici Skupštine Kantona Sarajevo koji su vam dostavljeni uz poziv za sjednicu.

Ima li primjedbi na dostavljeni zapisnik?

*Zamolio bih zastupnice i zastupnike da se izjasne o Zapisniku sa Konstituirajuće sjednice Skupštine Kantona Sarajevo.*

Zaključujem glasanje. Molim službu da objavi rezultate.

Za glasalo 30 zastupnika, protiv i suzdržanih nije bilo.

*Konstatujem da je Skupština potvrdila Zapisnik sa Konstituirajuće Skupštine Kantona Sarajevo držane 11.11, 21.11, 2.12. i 9. 12.2022.godine.*

Uvažene zastupnice i zastupnici, također želim da prije prelaska na samu realizaciju dnevnog reda definišemo budući rad tako što ćemo se podsjetiti na odredbe Poslovnika koje se odnose na prvu tačku dnevnog reda kada je u „Poslanička/zastupnička pitanja“.

Na svakoj redovnoj sjednici izdvojit će se sat vremena "Vladin sat" za poslanička i zastupnička pitanja na početku sjednice kojem obavezno prisustvuju premijeri i članovi Vlade. Jedan poslanik/zastupnik na jednoj redovnoj sjednici može postaviti najviše 2 poslanička/zastupnička pitanja. Odgovori na poslanička/zastupnička pitanja mogu se davati usmeno ili pismeno. Poslanici u okviru tačke dnevnog reda "Poslanička pitanja i odgovori" imaju pravo i dužnost da pokreću inicijative iz nadležnosti Skupštine Kantona Sarajevo. Pokrenute zastupničke inicijative o kojima se Skupštine izjašnjava traži se očitovanje Vlade Kantona Sarajevo. Izjašnjavanje o istim se odgađa za naredno skupštinsko zasjedanje kako bi Vlada mogla da se očituje o pokrenutim inicijativama. Ukoliko Vlada ne izvrši očitovanje po inicijativama o inicijativa će se izjasniti Skupština, bez stava Vlade, na narednoj sjednici. O zastupničkim inicijativa o kojima nema potrebe za očitovanje Vlade Kantona iste se odmah daju na glasanje i dostavljaju u proceduru. Poslaničke/zastupničke inicijative mogu se dostaviti u elektronskoj formi u toku sjednice, a najkasnije do zaključenja sjednice.

Ovo što sam pročitao imate u ovaj poslovnicima. Ukoliko budete imali potrebu za još opširnijim ovaj obrazloženjima, načina na koji način ćemo komunicirati u narednom periodu imate jasnije u Poslovniku.

Prelazimo na realizaciju prve tačke dnevnog reda.

Sada je evo 10 i 13. Sat vremena imamo za poslanička/zastupnička pitanja i inicijative i odgovore.

AD-1.

## POSLANIČKA/ZASTUPNIČKA PITANJA, INICIJATIVE I ODGOVORI

Zastupnik Mahir Dević se prvi prijavio. Izvolite imate riječ.

### **Mahir Dević (poslanik/zastupnik)**

Hvala predsjedavajući. Za danas imam pripremljenu jednu inicijativu ispred Kluba Stranke demokratske akcije. Predmet: inicijativa, dostavljala se. Skupština kantona Sarajevo zadužuje Vladu Kantona Sarajevo da do kraja budžetske 2022. godine isplati jednokratnu novčanu pomoć radnicima u Kantonu Sarajevo u iznosu od 1080 konvertibilnih maraka, a kao pomoć u prevazilaženju inflacije koja je evidentna pojava u Federaciji i u Bosni i Hercegovini. Naravno o navedenoj inicijativi tražim da se izjasni Skupština Kantona Sarajevo, u skladu sa Poslovnikom. Ja ću je dostaviti sekretaru Skupštine i nadam se da će zastupnici u Skupštini Kantona Sarajevo navedenu inicijativu podržati jer kantoni koji imaju daleko manje budžete, evo kao što je Zeničko dobojski kanton, su navedenu inicijativu realizirali, pa evo očekujem od kolegica i kolega da daju podršku jednoj ovako inicijativi. Pitanje za ministra MUP-a Kantona Sarajevo. Evidentno u posljednje vrijeme postoji veliki broj prekršajnih naloga za parkiranje u općinama u Kantonu Sarajevo. Da li postoji neka posebna akcija koja podrazumijeva punjenje Budžeta Kantona Sarajevo? I zamolio bih ga zaista da da, naravno njemu je to teško sada da mi

da odgovor usmeno, vjerovatno ću ja to traži ustvari pismeno, ali evo da obrazložim da mi se naprave uporedni podaci za 2021. i 2022. u smislu kazni u Kantonu Sarajevo. Znači, veliki broj građana se žali zbog ove stvari koja se dešava.

I pokrećem evo još jednu inicijativu. Znači da se izgradi, da se ovaj napravi ili sačini idejni projekat za izgradnju pješačke staze na potezu a od gradskog jezgra grada Ilijaša prema Mjesnoj zajednici Mrakovo. To je jedna velika Mjesna zajednica koja broji 1000 i više stanovnika. Imamo jedan put koji je od kantonalnog značaja, koji nema pješačke staze ni s jedne strani tako da postoji jedna ozbiljna opasnost u smislu sigurnosti učenika koji pohađaju osnovnu i srednju školu u Ilijašu. Evo od mene toliko, hvala. Ovu ću inicijativu na izjašnjenje dostaviti sekretaru Skupštine da glasamo o tome. Hvala.

### **Elvedin Okerić (Predsjedavajući)**

Zahvaljujem. Zastupnik Haris Zahiragić, izvolite imate riječ.

### **Haris Zahiragić (poslanik/zastupnik)**

Zahvaljujem predsjedavajući. Imam dva pitanja i par inicijativa. Pitanja su i tražim usmeni odgovor od premijera ili ministra zdravstva ili i premijera i ministra zdravstva a vezano za inicijativu koju sam ja podnio, a ova Skupština usvojila prije pola godine, a vezano za zapošljavanje mladih doktora. Zašto nikada nije realiziran program, niti napravljen, niti realiziran program zapošljavanja svih mladih doktora u Kantonu Sarajevo. S obzirom na činjenicu veliki broj njih baš na prošlom konkursu u Domu zdravlja, veliki broj njih nije primljen i mislim da je sramota da mladi doktori nemaju priliku za prvo zaposlenje u Kantonu Sarajevo.

Drugo pitanje je za premijera i za ministra Štetu. Kada planiraju da dovedu u red javni gradski saobraćaj? Svjestan činjenice da oni imaju službene automobile, da žive u centru grada itd. Ne mogu svi ljudi na takav način se službenim automobila voziti. Ne postoje tramvaj mjesecima, zbog par dionica potpuno je tramvaj ispresijecan, potpuno je ukinut tramvaj kao prijevozno sredstvo. To se nije desilo od austrougarske. U ratu su tramvaji postojali, samo je ova Vlada učinila to već duži vremenski priroda, a proteklih par mjeseci nema nikako tramvajskog saobraćaja.

Inicijative koje podnosim jeste da Skupštine Kantona Sarajevo zaduži Vladu Kantona Sarajevo da odmah i bez odlaganja utvrde adekvatan program subvencija za energente: plin, drva, pelet, grijanje centralno putem Toplana u procentualnom iznosi koji će pratiti rast inflacije, a imajući u vidu poskupljenja svih energenata i ukupnu inflaciju u društvu. Dakle, inflatorni rast otprilike dvadesetak posto, Vlada to treba da bolje zna nego ja, za toliko da se subvencioniraju svi energenti i cijelo grijanje.

Druga inicijativa: da Skupštine Kantona Sarajevo zadužuje Vladu Kantona Sarajevo da odmah i bez odlaganja započne projekat uvođenja mjerača u sva domaćinstva koja su u sistemu javnog centralnog grijanja s ciljem ukidanja konačnog i zaostalog sistema paušalnog naplaćivanja usluga grijanja.

I treća inicijativa, po mišljenju možda veoma važna i očekujem od kolega da je podrže. Skupština Kantona Sarajevo zadužuje Vladu Kantona Sarajevo da obezbijedi finansijska sredstva za finansiranje svih troškova odbrane za sve optužene branioce u fingiranom predmetu Dobrovoljačka pred sudom Bosne i Hercegovine. Mislim da je to najmanje što je Kanton Sarajevo dužan da uradi ljudima koji su kada je najteže bilo u prvim danima agresije stali u odbranu ovog grada, a samim time i ove države. Mislim da Kanton Sarajevo do sada nije reagovao na takvu optužnicu, mislim da je najmanje što možemo jeste tim ljudima koji su, od kojih su mnogi od njih zaboravljeni od ovog društva, na neki način pomognemo da po stare dane, veliki broj njih su penzioneri, ne moraju od svojih penzija izdvajati i plaćati skupe advokate, jer oni time zapravo ne brane samo svoju čast, svoj ured, nego brane ugled i čast

Armije Republike Bosne i Hercegovine, MUP-a Republike Bosne i Hercegovine, naše odbrane od agresije i generalno svih nas ovdje. I nadam se da će ta inicijativa prije svih biti podržana od strane svih kolega. Hvala vam.

**Elvedin Okerić (Predsjedavajući)**

Zahvaljujem se. Zastupnik Irfan Čengić, izvolite, imate riječ.

**Irfan Čengić (poslanik/zastupnik)**

Hvala predsjedavajuća. Ja sam dostavio pismeno nekih 13 pitanja i inicijativa, da ne bih oduzimao ovdje vrijeme, ali imam dvije inicijative koje se tiču rada Skupštine, dakle ne Vlade, u kojima traži izjašnjavanje danas, odnosno odgovor na pitanje danas. Mi smo 11. novembra položili zakletvu dakle u Skupštini Kantona Sarajevo. Ja sam u ovih pedesetak dana pokušao da priprelim materijale koji su u proceduri a onda sam razgovoru sa sekretarkom Skupštine shvatio da zastupnici uopšte nemaju pristup materijalima u proceduri. Tako da danas dajem inicijativu da na dva načina riješimo taj problem, kao Parlamentarna Skupština Bosne i Hercegovine da napravimo na web stranici rubriku materijali u proceduri, gdje će sekretar i službe stavljati sve materijale čim dođu Skupštinu, stavljati u tu rubriku kako bi i građani i zastupnici mogli vidjeti sve materijale, a ne samo materijale koji su na dnevnom redu, jer ja ne znam za druge zastupnike, ali ja ne mogu adekvatno spremati materijala samo kad dođu na dnevni red. Ako je nešto već Skupštini, mislim da nema potrebe da se krije od zastupnika i komisije i zastupnici bi mogli puno bolji odraditi posao. Jedan takav primjer ste upravo vi izvršili na posljednjem Kolegiju kada smo uvrstili tačku na Drugu redovnu sjednicu koja se tiče Devete transverzale i spajanje. Dakle nešto što je čekalo tri mjeseca u Skupštini Kantona Sarajevo. Zahvaljujući predsjedavajućem i Kolegiju smo završili za 5 minuta i uvrstili na dnevni red. Kada bi svi zastupnici imali pregled svih tačaka koje su skupštinskoj proceduri sigurno da bi i komisije puno bolje radile, puno bolje bi mogli zakazivati sjednice tokom čitavog mjeseca, a ne samo kada je zakazana sjednica. Dakle o toj inicijativi tražim da se Skupština danas izjasni jer ne traži ne zahtijeva mišljenje Vlade Kantona Sarajevo, niti iziskuje i kakva finansijska sredstva. Dakle ili ćemo dobivati na e-mail sve materijale ili da se napravi na web stranici rubrika "materijali u proceduri" koja bi se punila hronološki, onako kako materijali i dolaze u parlamentarnu proceduru. A drugo je pitanje za rukovodstvo Skupštine. Kada će se na dnevnom redu naći nacrt Zakona o sportu jer je ministar 10. oktobra još uputio taj Zakon, zajedno sa Vladom utvrdio i dostavio ga Skupštini i mislim da je to jedan vrlo bitan zakon i predlažem da ga razmatra na trećoj redovnoj sjednici, kada god to bude. Ostalo sam dostavio pismeno sekretarki.

**Elvedin Okerić (Predsjedavajući)**

Zahvaljujem se zastupniku Čengiću. Za riječ se javio zastupnik Damir Marjanović.

**Damir Marjanović (poslanik/zastupnik)**

Zahvaljujem predsjedavajući. Pozdravljam sve kolegice i kolege, kao i one koji prate ovo zasjedanje. Ajte da počnemo sa lijepim stvarima. Prije svega pohvalit ću rad kolege ministra Samira Avdića vezano za rekonstrukciju Collegium Artisticuma, nešto što 40 godina bilo ostavljeno onako kako jeste, nekada najveća galerija u bivšoj Jugoslaviji, ponovo dobija novi sjaj i zamolit ću ga da nam da malo informacija vezano za to, kao i kakvi su budući planovi po tom pitanju i rekonstrukcije tog dijela. Duga stvar gospodinu Hadžiahmetović zamolit ću ga da nam da malo informacija o ovome što Sarajevo gas danas prezentira, ako može s ovim novim SCADA softverom, šta će to značiti za građane Kantona Sarajevo, ali postaviti ću jedno konkretno pitanje možda čak premijeru primarno i zamolit ću za usmeni odgovor evo par informacija. Regulacionim planom Babin do na Bjelašnici je predviđen kao poslovna zona na kojem se gradi isključivo poslovni objekti za sport i rekreaciju. Općina Trnovo nakon izgradnje

objekata, tehničkog prijema, izdaje upotrebnu dozvolu za poslovni objekat sa apartmanima i poslovnim prostorima. Poslovni objekat u smislu odredbi Zakona o prostornom uređenju Kantona Sarajevo je građevina sa isključivo poslovnom namjenom. Dakle svaki objekat koji je testiran kao apartman u sklopu poslovnog objekta ne može imati tretman stambenoga objekta obzirom na namjenu. Što se dešava? Većina komunalnih preduzeća su svoje usluge prodavali i prodaju po cijenama koje su namijenjene domaćinstvu, što je definitivno suprotno onome što je uređeno u Zakonu o komunalnim djelatnostima i njihovim tarifnih sistema. Pitanje koje definitivno sada postavljamo je: koja je razlika između poslovnog prostora u nekom objektu kolektivnog stanovanja u Sarajevu odnosno apartmana u poslovnom prostoru na Bjelašnici? Postavljam pitanje znači premijeru da li je upoznat s ovom situacijom i što se planira učiniti po tom pitanju? Mislim da će ljudi iz Vlade znati jasno posložiti koja je razlika između tarifa i svega onoga što poslovni i domaćinstva, poslovni objekti i domaćinstva plaćaju i na taj način to se reflektira na prihode komunalnih preduzeća. Takođe iskoristit ću priliku da dam jednu inicijativu, neće tražiti glasanje. Nadam se da će to biti usvojeno da na Trećoj sjednici znači Skupštine Kantona Sarajevo Vlada informira što je realizirano tj. koje su aktivnosti realizirane glede zaključaka tematskih sjednica o reformi obrazovanja i položaju mladih. Podsjetit ću sve na Skupština Kantona Sarajevo u prošlom mandatu je imala 2 tematske sjednice, donijela je jako konkretne zaključke vezano za reformu obrazovanja i za položaj mladih. Molim vas da u narednoj sjednici, na narednoj sjednici bude posebna tačka u kojoj će Vlada tj. resorna Ministarstva obavijestiti nas što je dosad urađeno i što se planira dalje raditi. Hvala velika.

#### **Elvedin Okerić (Predsjedavajući)**

Zahvaljujemo se zastupniku Marjanoviću.

Za riječ se javio zastupnik Nihad Uk.

#### **Nihad Uk (poslanik/zastupnik)**

Zahvaljujem predsjedavajući. Srdačan pozdrav vama, kolegicama i kolegama u sali gledaocima koji nas prate dakle jednu ću inicijativu uputiti na današnjoj prvoj sjednici kantonalne Skupštine a to je da se izmijeni odluka o cijenama korištenja javnih površina, konkretno u dva člana: član 7 pomenute Odluke. Radi se o povlaštenom parkingu za stanare ulica određenih zona. Uporednim istraživanjem u regionu i širem regionu, može se zaključiti da građani Kantona Sarajevo plaćaju višestruko više nego na primjer građani Beča gdje plate godišnju kartu u ekstra zoni 234 konvertibilne marke, u Beogradu 91 marku, u Pragu 88, u Zagrebu 300, a u Sarajevu je to 660 konvertibilnih maraka na godišnjem nivou. Dakle predložio sam određeni cjenovni razrede kako bi se članu 7 Odluke prilagodile iste cijene. I u članu 14 navedene Odluke da se napravi razlika u cijeni rezervacije parkinga, s obzirom da je po trenutnoj Odluci identična cijena za fizička i pravna lica. Mislim da je to nepravedno i da bi se trebalo napraviti razliku između fizičkih i pravnih lica, kako bi fizička lica manje plaća od pravnih lica rezervaciju samog prostora za parkiranje. Dakle to se radi na ulicama gdje se održava parkiranja od strane Javnog komunalnog preduzeća Rad. Hvala.

#### **Elvedin Okerić (Predsjedavajući)**

Zahvaljujemo se zastupniku Uk Nihadu. Zastupnik Jasmin Šaljić, izvolite, imate riječ.

#### **Jasmin Šaljić (poslanik/zastupnik)**

Ja bih postavio jedno pitanje za ministra unutrašnjih poslova vezano za natpise u novinama posljednjih mjeseci za lošu opremljenost poljskih službenika, da nam kaže koliko ima sindikata u Ministarstvu unutrašnjih poslova i dokle je nabavka opreme za policiju koja već godinama u fazi nabavke, gdje je to zapelo, šta mi možemo da pomognemo i da se osvrne na bezbjednosnu

situaciju u Kantonu Sarajevo i da li imaju informacija o zloglasnoj grupaciji Wagner na našim prostorima, na prostoru Kantona Sarajevo?

Ima inicijativu vezano je za kolega Dević što je rekao za ovu naknadu 1080 maraka prema Vladi Kantona Sarajevo da iznađu i za sredstva za demobilisane borce. Znači to je kategorija koja prima 270 maraka mizerne naknade. Pa i njima je inflacija.

Sljedeća moja inicijativa je da se za Skupštinu Kantonu Sarajevo vezano za postavljanje zastava u svim javnim institucijama, objektima i objektima uslužnih djelatnosti. Znači zastave veličine registracije objekta, odnosno ID broja na vidnom mjestu.

Imao bi sugestiju za rukovodstvo Skupštine vezano upravo za zastave, iza vas predsjedavajući moraju da budu zastave Države, federalne, kantonalne. Moraju zato što često ovo mjesto zauzmu mediji, nije u fokusu za govornicom iza govornice moraju biti državne zastave. Mi nismo neformalna grupe građana, čak i oni imaju zastave. Ova zastava je nametnuta, ali tako je kako je. Ako već nema ljljana mi moramo čuvati ovu zastavu. Ako je mi ne budemo čuvali ovo je gotova stvar. Hvala.

### **Elvedin Okerić (Predsjedavajući)**

Zahvaljujemo se zastupniku Šaljiću. Zastupnik Samir Avdić se javio za riječ.

### **Samir Avdić (poslanik/zastupnik)**

Hvala predsjedavajući. S obzirom da se prvi put javljam najprije da pozdravim vas prisutne i one koji protiv naš rad putem medija.

Ja bih danas da vratim u fokus jednu temu o kojoj je govorio ovaj kolega Stojanović prije nekih 2,5 godine, a radi se o jednoj vrlo opasnoj nelegalnoj deponiji u prvoj vodozaštitnoj zoni između Sokolović kolonije i Hrasnice. Kolega je tada upozoravao, slao zahtjeve prema Upravi za inspeksijske poslove Kantona Sarajevo. Ja sam kao vijećnik slao i zahtjeve prema Agenciji za slivove rijeke Save, međutim problem nije riješen. On ustvari u posljednje vrijeme postaje i još opasniji. Ono što ja predlažem ovoj Skupštini jeste da Skupština zaduži Upravu za inspeksijske poslove, kao i da pošalje dopis ovoj federalnoj Agenciji s obzirom da i jedna i druga institucija ustvari izbjegavaju nadležnosti i prebacuju jedni na druge, s obzirom da se radi istovremeno i vodozaštitnoj zoni i o koritu rijeke koja je u slivu rijeke Save. Osim što se radi o ekološkom problemu, radi se i o problemu korupcije, te smatram da bi se u ovaj problem trebalo uključiti i MUP Kantona Sarajevo i Ured za borbu protiv korupcije, s obzirom da se s vremena na vrijeme na istom lokalitetu vrši i nelegalna eksploatacija šljunka. I čudi me da odgovorne osobe iz Vodovoda i kanalizacije već evo nekoliko godina šute na ovaj problem iako se radi o prvoj vodozaštitnoj zoni, tako da bih iz ove skupštine poslao molbu i njima da nas obavijesti o svojim informacija u vezi sa problemom i šta su do sada u vezi s tim uradili. Također zamolio bi da iz Zavoda za javno zdravstvo urade analizu vode i analizu zemljišta da bismo na taj način osvijestili i ovu Skupštinu i sve spomenute institucije o opasnosti koja postoji u ovom problemu. Molio bih da se sve ove informacije Skupštini dostave za treću redovnu sjednicu. Hvala.

### **Elvedin Okerić (Predsjedavajući)**

Zahvaljujem se zastupniku Avdiću. Dopredsjedavajuća Danijela Kristić, izvolite imate riječ.

### **Danijela Kristić (Dopredsjedavajuća)**

Zahvaljujem predsjedavajući. Pozdravljam sve prisutne gledaoce kraj malih ekrana. Ja za danas sam pripremila 3 inicijative. Prva je znači na osnovu molbe Javne ustanove Psihijatrijska bolnica Kantona Sarajevo dostavljam Prijedlog plana realizacije otvaranje dnevne bolnice za preventivni terapijski program za pacijente sa posttraumatskim poremećajem, kao i pacijente sa stresom i traumom uvjetovanim poremećajem. Detaljan plan potrebnih sredstava za ovaj projekat, kao i prihoda očekivanih ću dostaviti pismeno.

Druga inicijativa ide prema Federalnoj upravi za inspekcijske poslove.

Molim da izvršite nadzor nad radom Zavoda za javno zdravstvo Federacije Bosne i Hercegovine. Kao što je poznato na tržištu su se pojavile flaširane vode koje su sadržavale nedozvoljene bakterije. Molim da u nadzoru utvrdite koja je laboratorija vršilo ispitivanje spornih flaširanih voda, te da li laboratorija ovlaštena i akreditovana za vršenje takvih analiza? Također molim da u nadzoru izuzmete kopije analiza spornih voda i iste mi dostavite a sve u cilju istinitog informiranja javnosti i zaštite zdravlja građana.

I treća inicijativa. Na osnovu molbe etažnih vlasnika naselja "Bulevar" Stup a nakon krađe hidrantskih crijeva iz naselja, stanari su me zamolili da se njihovo ime obratim općini Ilidža za pomoć u nabavci nedostajuće protiv požarne opreme kako bi se zaštitili njihovi životi i imovina od požara, a već su imali neugodna iskustva sa istim. Ostalo ću dostaviti u pismenoj formi. Hvala.

### **Elvedin Okerić (Predsjedavajući)**

Zahvaljujem se dopredsjedavajućoj. Zastupnik Kenan Magoda ima riječ.

### **Kenan Magoda (poslanik/zastupnik)**

Hvala predsjedavajući. Pozdrav svim kolegicama i kolegama.

Imam samo jedno pitanje koje ću dostaviti. Putem e-maila, ne treba se sada odgovarati usmeno. A prije samog postavljanja pitanja želim da čestitam ministru privrede gospodinu Adnanu Deliću i direktoru kompanije ZOI' 84 Jasmin Mehić što su nakon 6 godina hrabro, odlučno ušli u postavljanje četverosjeda na mjestu gdje mu pripada. Moje pitanje se odnosi koliko je to ukupno koštalo Budžet i Vladu Kantona Sarajevo. Kada kažem Budžet mislim na prvobitni projekat koji nažalost nije uspio iz dobro poznatih razloga kojeg smo stalno delegirali putem medija i sada izmještanja. Znači koji ukupan iznos koji je plaćen da bi četverosjed bio funkciji skijaša, bordera, planinara, ljubitelja skijanja. Hvala.

### **Elvedin Okerić (Predsjedavajući)**

Hvala zastupniku Magodi. Zastupnica Admela Hodžić se javila za riječ.

### **Admela Hodžić (poslanik/zastupnik)**

Zahvaljujem predsjedavajući. Dobar dan svima. Postavljam pitanje ministru komunalne privrede, infrastrukture, prostornog uređenja, građenja i zaštite okoliša gospodinu Enveru Hadžiahmetoviću koje se odnosi na javni poziv za subvencioniranje rješavanje stambenog pitanja mladih Kantona Sarajevo. Tačka 2 stav c) u kojem stoji da mlada mladi ljudi imaju prebivalište na području Kantona Sarajevo neprekidno u trajanju od najmanje 3 godine prije podnošenja zahtjeva. Ono što interesuje mlade ljude Kantona Sarajevo kod ovog uslova jeste sljedeće: zbog čega i na osnovu kojih parametara je određen ovaj uslov u javnom pozivu o prebivalištu u trajanju od najmanje 3 godine? Da li su mladi koji imaju prebivalište Kantonu Sarajevo duže od 3 godine vrijedniji od onih koji nemaju te 3 godine prebivališta u Kantonu Sarajevo ili čak od onih koji žele i planiraju započeti i osnovati porodicu i nastaviti živjeti u Kantonu Sarajevo? Da li su mladi mogli prijaviti prebivalište kako žive i rade ili studiraju u Kantonu Sarajevo ako nemaju vlastitu nekretninu? Mladi pitaju kakva se poruka šalje mladima ako iz drugih gradova Bosne i Hercegovine koji rade ili studiraju u Kantonu Sarajevo i planiraju preseliti kupiti nekretninu i ovdje osnovati porodicu i nastaviti živjeti ako im ovakvim uslovima ne damo ni priliku da apliciraju za ovu vrstu pomoći? A također pitaju zašto Vlada Kantona Sarajevo i resorno Ministarstvo u ovome ne vidi jedan oblik strategije Kantona Sarajevo za zadržavanje mladih ljudi i pomoć ovoj populaciji. Evo mi pretpostavljamo da je odgovor ovaj može neka vrsta zloupotrebe ali ja vjerujem da će ministar detaljnije odgovoriti zato molim za usmeni odgovor. Zahvaljujem.



**Elvedin Okerić (Predsjedavajući)**

Zahvaljujemo se zastupnici Hodžić. Za riječ se javila zastupnica Miomirka Melank.

**Miomirka Melank (poslanik/zastupnik)**

Hvala predsjedavajući. Pozdravljam prisutne kolege i kolegice. Zbog zadovoljavajuće epidemiološke situacije u Kantonu Sarajevo krizni štab Ministarstva zdravstva Kantona Sarajevo. 21. decembra je održao sjednicu na kojoj je donesena odluka da se dozvole posjete pacijentima u ustanovama bolničkog nivoa u Kantonu Sarajevo uz poštovanje mjera zaštite koje su još na snazi. Krizni period covid epidemije je odavno prošao. U cijeloj Evropi je praksa posjete bolesnicima u bolnicama uspostavljena još prije više od godinu dana, samo je politika rigoroznih mjera ostala u primjeni u nekim medicinskim ustanovama u Bosni i Hercegovini čime se boljitak i oporavak pacijenata značajno usporava. Pitanje je kada će biti sprovedena Odluka kriznog štaba Ministarstva zdravstva Kantona Sarajevo i biti dozvoljene posjete pacijentima u bolnici Univerzitetskog kliničkog centra i drugim bolnicama u Kantonu Sarajevo? Hvala.

**Elvedin Okerić (Predsjedavajući)**

Zahvaljujem. Zastupnik Faruk Kapidžić se javio za riječ.

**Faruk Kapidžić (poslanik/zastupnik)**

Zahvaljujem predsjedavajući. Imao bih jedno pitanje za ministra Hadžiahmetovića, pa i za Vladu ili premijera s obzirom da smo juče iz javnog informisanja sa nekih portala obaviješteni da je počela izgradnja stambenog kompleksa od 777 stanova i 900 parking mjesta na području nekadašnje ovaj fabrike Milkos, interesuje me da li je Ministarstvo izdalo ikakve dozvole vezano za to, odnosno da li je da li se ušlo u izmjenu urbanističkog plana, Regulacionog plana, obzirom da je to bilo potrebno, i da li je ovaj išta reagovalo prema nelegalno izdatoj ovaj nelegalno izdatoj okolinskoj dozvoli od federalnog Ministarstva okoliša s obzirom da kada sam ja bio u u Ministarstvu, odnosno kada sam vodio Ministarstvo dva puta smo dali negativno mišljenje Federalnom Ministarstvu, a bez tog mišljenja kantonalnog odnosno Ministarstva Kantona se nije moglo izdati. Znam da je na dan kada kada smo bili smijenjeni da je federalno Ministarstvo ipak izdalo tu dozvolu. I interesuje me da li je od tada do sada, do izdavanja građevinske dozvole, Ministarstvo ovaj kantonalno izdalo ikakvu okolinsku dozvolu za taj objekat? I šta će poduzeti po pitanju tog objekta obzirom da je nelegalna građevinska dozvola? Hvala.

**Elvedin Okerić (Predsjedavajući)**

Zahvaljujemo se zastupniku Kapidžiću. Za riječ javio zastupnik Muamer Bandić.

**Muamer Bandić (poslanik/zastupnik)**

Selamim i pozdravljam sve prisutne i one koji nas prate putem televizijskog prijenosa. Prema mojim informacijama Izmjene i dopune Finansijskog plana prihoda izdataka Javne ustanove Služba za zapošljavanje Kantona Sarajevo je usvojen od strane Upravnog odbora i Nadzorni odbor je dao saglasnost na taj, na te izmjene. Takođe sva prethodna, sve prethodne saglasnosti su dali Ministarstvo za rad i socijalnu politiku i Ministarstvo za financije. Pa me zanima kad se ta tačka dnevnog reda naći na Skupštini i ukoliko nije evo da kažemo još utvrđeno kad će se naći, pokrećem inicijativu da se na prvoj sljedećoj sjednici Skupštine Kantona Sarajevo ta tačka nađe na dnevnom redu. Hvala.

**Elvedin Okerić (Predsjedavajući)**

Zahvaljujem se zastupniku Bandiću. Zastupnica Elza Gaković se javila za riječ.

**Elza Gaković (poslanik/zastupnik)**

Zahvaljujem predsjedavajući. Srdačno vas selamim i pozdravljam i upućujem inicijativu vezanu za Ministarstvo komunalnih poslova. Inicijativa se odnosi na idejni projekat koji je firma Enova uradila za izgradnju fekalne odnosno odvod fekalne kanalizacione mreže za područje mjesnih zajednica Zabrđe i Dobroševići. Ono što je ova firma predložila je konstantno odbijano od strane Zavoda za planiranje i Vodovoda kanalizacije, a mi zaista zbog hitnosti onaj problema i jednog zahtjeva građana gdje metar kanalizacione mreže ovim naseljima ne postoji, tražimo odobravanje ovog rješenja. Ujedno ovo bi riješilo jedan ogromni problem kada je u pitanju Regionalni centar za upravljanje otpadom jer mi znamo da pročištač procjednih voda iz trupa deponije ne funkcioniše, a ujedno i ovo je rješenje koje bi zaista pomoglo da se konačno i ovaj problem riješi. Hvala.

**Elvedin Okerić (Predsjedavajući)**

Zahvaljujemo se zastupnici Gaković. Zastupnica Vildana Bešlija se javila za riječ.

**Vildana Bešlija (poslanik/zastupnik)**

Hvala predsjedavajući. Pozdravljam sve prisutne i one koje nas prate. Ja bih imala par pitanja za Vladu a možda konkretno evo za premijera kakvo je generalno izvršenje budžeta i kakve su mogućnosti za isplatu jednokratnih naknada? Znamo da je veliki pritisak javnosti po ovom pitanju, evo smo čak imali ovdje na sjednici ovaj takva pitanja. Koliko ćemo izgubiti novca u Budžetu kada stupi na snagu Zakon o pripadnosti javnih prihoda? Koliko je ukupno bilo povećanje plata u javnom sektoru u ovoj godini i koliko će biti 23. 12. u skladu sa dogovorom sa sindikatima i novim kolektivnim ugovorima? Kako i koliko često su se mijenjali kolektivni ugovori granskim sindikatima zadnjih godina? I koliko su u ovoj godini povećane plata recimo učiteljima, policajcima ,medicinskim sestrama na primjer i ostalim koje su obuhvaćene ovim načinom a ovaj primanja plate. Hvala vam puno. Molim objedinjenu informaciju u pisanoj formi.

**Elvedin Okerić (Predsjedavajući)**

Zahvaljujemo se zastupnici Bešlija. Dopredsjedavajući Vibor Handžić. Izvolite imate riječ.

**Vibor Handžić (Dopredsjedavajući)**

Zahvaljujem predsjedavajući. S obzirom da se prvi put javljam dobar dan svima. Želim nam ugodan i prijatan rad. Imam 2 zastupnička pitanja i jednu inicijativu. Prvo pitanje upućujem Ministarstvu finansija. Interesuje me u kojoj je fazi priprema Zakona o porezu na promet nekretnina i porezu na nasljeđe i poklone s obzirom da smo prije određenog perioda usvojilo Nacrt tog zakona. Prošla je faza javne rasprave pa eto, tražim pismeni odgovor da mi se dostavi u kojoj je fazi izrada konačnog prijedloga zakona. Također me zanima u kojoj je fazi priprema novog Zakona o upravljanju zajedničkim dijelovima zgrade. Mislim konkretno ono što se popularno kaže Zakona o upraviteljima, s obzirom da smo na jednoj od prethodnih sjednica ima li ovaj dokument na dnevnom redu koji je povučen? I imam jednu inicijativu koju je 2019. godine pokretala zastupnica Kerla a kasnije je tu inicijativu pokretao i Savjet mjesne zajednice. Dakle inicijativa o postavljanju svjetlosne signalizacije i stacionarnog radara radara pardon u blizini osnovne škole Stari Ilijaš u Ilijašu. Inicijative su pokretane na Ministarstvo saobraćaja Kantona Sarajevo. U odgovoru Ministarstva saobraćaja rečeno je s obzirom da je u pitanju regionalna cesta da nije nadležnost konkretno Ministarstva nego Direkcije za ceste Kantona Sarajevo i da se i Savjet mjesne zajednice i zastupnica Kerla obrate Direkciji za ceste. Evo to do sada koliko znam nije učinjeno i ja u njihovo ime ovom prilikom podnosim ovu istu inicijativu Direkciji za ceste Kantona Sarajevo. Zahvaljujem.

### **Elvedin Okerić (Predsjedavajući)**

Zahvaljujem se s dopredsjedavajućem Handžiću.

S ovim smo završili dio postavljanja pitanja i podnošenje inicijativa. Sada bih zamolio ministrice i ministre da ponude odgovore na postavljena pitanja. Evo prvi se javio ministar Omer Osmanović. Ne znam da li možete koristiti mikrofone sa. Ništa onda izađite za govornicu. Ministar Omer Osmanović, izvolite imate riječ.

### **Omer Osmanović (ministar)**

Hvala predsjedniče. Pozdrav svim zastupnicima i zastupnicama i ja bih samo se referirao i bila je jedna inicijativa od strane zastupnika Zahiragića u zaštita pravna pomoć optuženim za ratne zločine iz Kantona Sarajevo u slučaju tzv. Dobrovoljačka ulica. Ja bih samo htio, ja se slažem u potpunosti sa zastupnikom da se trebaju povećati ta sredstva. To su iscrpljujući procesi gdje smo mi ove godine za 33 lica izdvojili 417 000 maraka i još 120 000 maraka smo put prema Federalnom fondu za za upućivanje pravne pomoći van Kantona Sarajevo. Tako da su to moram napomenuti iscrpljujući procesi, dugogodišnji koji ljudi ti ne mogu podnijeti. Samo bih ja proširio tu inicijativu na sva lica koja se odnose Kanton Sarajevo da se u Budžetu, Prijedlogu budžeta poveća ta jednokratna pomoć za te ljude. Mi u sklopu Ministarstva za boračka pitanja imamo komisiju koja se sastoji od renomiranih advokata i eksternih članova koji dodjeljuju tu pomoći i na osnovu svih tih slučajeva imamo Pravilnik za dodjelu pomoći. Tako bih zamolio sam da se proširi inicijativa na sve optužene koji su s Kantona Sarajevo da im se poveća ta pomoć i tokom rebalansa budžeta i tokom redovnog donošenja budžeta. Hvala puno.

### **Elvedin Okerić (Predsjedavajući)**

Zahvaljujemo se ministru Osmanoviću.

Ministar Admir Katica.

### **Admir Katica (ministar)**

Hvala lijepa predsjedavajući. Ja bih vas želio sve lijepo pozdraviti uvaženi zastupnici i zastupnice, zaželjeti vam svakako sretan rad u ovom mandatnom periodu 2026 godine. Ja sam imao pitanja od dva zastupnika. Htio bih odgovoriti uvaženom zastupniku gospodinu Šaljiću vezano za pitanja koliko ima sindikata na području odnosno vezanih za rad policije. Ja mogu reći da smo mi kao Vlada Kantona Sarajevo usvojili kolektivni ugovor odnosno imali kolektivno dogovaranje sa sindikatom policije još u februaru ove godine a da je u međuvremenu negdje u septembru formiran još jedan sindikat koji se nije formirao na nivou Kantona već na nivou Federacije Bosne i Hercegovine. I prema mojim informacijama on još nije reprezentativan. Dakle mi imamo ovaj Sindikat policije Kantona Sarajevo sa kojim pregovaramo i imali smo taj kolektivni ugovor iz februara 2022. godine sa kojim se ja mogu zaista ponositi i kao ministar unutrašnjih poslova, s obzirom da smo u okviru tog kolektivnog ugovora uveli dodatke na platu koje nema niko u državi Bosni i Hercegovini. Nema ni u regionu. Dakle naši policajci svi umjesto dosadašnjih 30 % na plate imaju 40 % na platu. Po osnovu posebnih uslova rada pripadnici specijalne policije i posebno važno kriminalističke policije imaju 50 % dodatka na platu, tako da su ti dodaci najbolji mogu reći u regionu, a istovremeno mogu reći da je u ranijem periodu još u vrijeme Vlade Kantona Sarajevo kada je premijer bio Elmedin Konaković da smo imali tada izjednačene koeficijenta sa onim federalnim koeficijentima, tako da je to situacija koja je mislim mogući u ovom trenutku po pitanju policije. Kada je u pitanju opremanje Uprave policije ja vas mogu informisati da smo mi u okviru 2022. godini na nivou Ministarstva unutrašnjih poslova, a posebno Uprave policije imamo historijski najveći budžet. Mi imamo gotovo 100 miliona Budžeta za Upravu policije. 22.318 000 je Budžet samo za kapitalna ulaganja, samo za opremu. Dakle 22 .318.000 samo za uniforme koje su evo i na neki način isti bilo u javnosti označene kao sporne, izdvojeno je dakle 1,6 miliona

do 1,7 miliona konvertibilnih maraka i stvar je odluke sindikata i Uprave policije da se ne ide trenutno u nabavku uniformi iako su obezbijedena finansijska sredstva već da se čeka na donošenje Uredbe o jedinstvenoj policijskoj uniformi na nivou Federacije Bosne i Hercegovine, koja će prema uvjerenju policijskih profesionalaca značiti značajno kvalitetniju i bolju uniformu i nadamo se da će do polovine naredne godine do toga dakle i doći.

Pitali ste me za sigurnosnu situaciju. Ustvari da se vratim samo trenutak, htio bih sam da da vam oslikam situaciju po pitanju budžeta odnosno ulaganja ove Vlade prema Upravi policije. Mi prema samo u okviru kapitalnog djela recimo 2017 imamo oko 4. 600.000 samo za opremanje. 2018. 5. 700.000. 2019- 8.600.000. 2020 - 9.140.000. Evo 2022. nakon pandemije imamo 22 miliona i 318 000 samo za opremanje. Mnoga je tu oprema ona najvažnija za funkcionisanje policije moderne policiji nabavka putničkih motornih vozila. 2 miliona, blindiranih vozila, vodenih topova, naoružanje za specijalnu jedinicu. Sve ono što je neophodno za moderan rad. Oprema za kriminalističko-obavještajnu jedinicu, kriminalističku policiju. Sve ono što je potrebno za efikasan rad policije na terenu. Što se tiče sigurnosne situacije mogu reći da je u najvećem dijelu sigurnosni prioritet bio označen od strane Vlade i ministra unutrašnjih poslova upravo borba protiv imovinskog kriminaliteta onoga koji opterećivao građane, a to je dakle ona razbojništva, razbojničke krađe, krađe na teško naročito drzak i opasan način. Tako da u tom smislu Uprava policije postigla rezultate i taj kriminalitet smanjen za gotovo jednu petinu. A podsjetit ću vas u svim statistikama kriminaliteta imovinski kriminalitet je 2/3 ukupnog kriminaliteta. Ono dakle borba protiv kriminaliteta je na visokom nivou. Ono sa čim ne možemo biti zadovoljni to je pitanje sigurnosti saobraćaja i imamo veći broj saobraćajnih nezgoda i imamo veći broj teško povrijeđenih osoba, iako imamo smanjen broj poginulih osoba u saobraćaju. Formirali smo jednu radnu grupu početkom godine koja je dala smjernice Upravi policije po tom pitanju. Mi se nadamo da će u skladu sa tim smjericama doći i do poboljšanja u ovoj oblasti. Pitali ste me još za neku akciju. Ja nisam zapamtio dobro za koju. Dakle mogla samo reći da su to operativna pitanja kojima su i sve operativne informacije su dio onoga što rade policijski profesionalci u okviru operativnog i finansijski samostalnog policijskog organa koji se zove Uprava policije, tako da ja kao ministar unutrašnjih poslova i da imam ne bi mogao komunicirati neke takve informacije. Gospodin uvaženi zastupnik Mahir Dević pitao me je vezano za neku navodnu akciju za punjenje budžeta za sankcionisanje nepropisnog parkiranja vozila. Ja vas informišem da je to pitanje kažnjavali za nepropisno parkiranje vozila pitanje policijskog mikromenadžmenta, ja ću ga tako nazvati, tako na nivou policijskih uprava ili još niže na nivou policijskih stanica. Ne postoji nikakva mogućnost teorijska, a Boga mi ni stvarna da se sa nivou ministra unutrašnjih poslova djeluje po tom pitanju i uvjeravam vas da tako nešto i nije ni moguće, i nije po srijedi, to je vjerovatno u okviru Uprave policije se sve rješava i to na nivou ovog mikro menadžmentom. Ja vas podržavam da tražite pismeni odgovor i da dobijete uporedne podatke za 2021-2022. godinu. Evo toliko od mene i hvala vam puno.

### **Elvedin Okerić (Predsjedavajući)**

Zahvaljujemo se ministru Admiru Katici. Ministar Enver Hadžiahmetović. Izvolite imate riječ.

### **Enver Hadžiahmetović (ministar)**

Poštovani predsjedavajući, poštovani zastupnici.

Imao sam nekoliko pitanja i inicijativa. Ono što mogu u ovom trenutku da kažem pokušat ću da odgovorim, ono što ne, poslat ću u pisanoj formi jer veći je broj pitanja i bila su pitanja vezano dakle za neke analitičke podatke. I sama struktura zahtjeva dakle malo više vremena tako vjerovatno neću moći na sva pitanja odgovoriti usmenom dijelu. Čini mi se da gospodin Damir Marjanović vezano za poslovne zone. razlika između poslovnih zona i stambenih zona na Bjelašnici. Bilo je jedno pitanje vi znate da svaka, svako javno preduzeće svoje usluge daje shodno svojim tarifama, svojim posebnim dokumentima, pravilnicima. I mi smo evo za

informaciju uputili svim kantonalnim javnim komunalnim preduzećima koji daju svoje usluge da nam kažu da li su na lokalitetu Bjelašnice da li su koristili sistem stambenih objekata ili poslovnih, zavisno od toga kako se vodi u zemljišno knjižnom izvatku. Tako da jedan problem je tu nastupio vezano za da li stambeni objekat koji, da li poslovni objekat koji se sastoji iz više stambenih objekata računati kao stambeni ili poslovni. Dakle to su neke stvari koje mi sad provjeravamo. Imat ćemo vjerovatno informacije po tom pitanju. Ono što znam da postoji razlika kod svih kod svih u svim preduzećima se pravi razlika u odnosu na fizička i pravna lica. Obično su fizička lica manja cijena, jel kao što je u pitanju voda. U pitanju dakle drugi energent tako isto mislim na Bjelašnici. Ali evo u ovom trenutku vršimo provjeru. Imat ćete tu informaciju blagovremeno. Kad se tiče samog Sarajevogasa upravo jedan zaista dobar projekat SCADA je evo da kažem u završnoj fazi. Dakle imat ćemo jednu digitalizaciji procesa u ovom preduzeću i to je jako dobra dobra stvar. Evo ovom prilikom zaista pohvaljujem ovo preduzeće kad se tiče ovog projekta.

Ista situacija je i sa parking prostorima vezano za čini mi se RAD, neko pitao. Da li je da li je potrebno razlikovati cijenu za pravna i fizička lica i ova stvari kao i ova prethodna, dakle svaka kompanija, svako preduzeće javnog komunalnog preduzeća dakle ima svoju, svoje pravilnike i tačno se zna kolika je cijena fizičkom, kolika je cijena pravnog lica. Dakle ako treba nešto naglašavati tu smo da pravimo izmjene dopune, ali evo smatram da ako je to RAD ocijenio da je ista cijena onda vjerovatno će trebati vršiti neke izmjene. U ovom trenutku ja tu informaciju nemam.

Kad se tiče deponije, spominjana je deponija u Sokolović Koloniji. Ona je već duže vremena, ona je vezana za rijeku Željeznicu. Vi znate da rijeka Željeznica i rijeka Bosna su u slivovima rijeke Save. Vezana su za Agenciju dakle za slivno područje rijeke Save. Mi smo kao nadležno Ministarstvo imali već nekoliko da tako kažem intervencija, zajedno smo radili sa jedinicom NATO na tom prostoru. A to je da tu veliku šupljinu zbog odvožnje šljunka iz tog dijela zatrpamo, da kultiviramo, stavili smo rampe. U zajedničkoj smo aktivnosti. Međutim ova ovo pitanje kada se tiče mjera nadzora, kontrole, represivnih i drugih mjera su dakle u nadležnosti Kantonalne uprave za inspeksijske poslove ili eventualno Federalne uprave, zavisno od toga čija je nadležnost, a ovdje ima nadležnosti i dakle Federacije, odnosno Agencija za slivove rijeke Save.

Vezano za subvencioniranje stanova. Dakle mi smo, ovo nije prvi put da radimo subvenciju, ovo je četvrta ili peta godina koju radimo. Dakle 4 godine je bilo se tražilo ovo 3 godine, pa vjerovatno i ove godine se tražilo. Dakle to je radila komisija koja je imala mnogo toga, parametre na osnovu toga je to uradila. Ukoliko bude trebalo mijenjat da iduće godine ne bude 3 godine, da bude samo godina ili da ne bude uopće taj parametar, evo mislim morat ćemo pitati malo javnost, pitat ćemo da kažemo medije, pitat ćemo evo i Skupštinu itd i Vladu. Mislim da je ovo pitanje široko, kako ga ko posmatra. Dakle ako ako uvedemo korisnike koji nisu iz Kantona Sarajevo onda kažu zašto zašto svaki taj stanovnik koji dođe u Kanton Sarajevo, ima svoj Kanton, svoju općinu, ima svoje svoje određene da kažemo aktivnost na svojoj općini, zašto mi da da djelujemo. Ukoliko opet drugačije, evo znači to je jedno pitanje o kojem možemo da da razgovaramo, ali komisija je uzela u razmatranje sve te opcije i kao takve smo stavili u same uslove konkursne procedure i evo kažemo nije prva, ovo je neka četvrta ili peta ovaj da kažemo takva takva situacija. Gospodin Kapidžić zna, i u njegovo vrijeme i oni su provodili, iste ista je bila situacija- dakle ako bude trebalo vršiti promjene možemo izvršiti anketiranje i mogu se za narednu godinu te promjene uraditi.

Pitanje za Milkos. Ono što ja znam da mi nismo davali saglasnosti. Da je okolinske dozvole dala federalno Ministarstvo zato što se radi o površini zgrade koja prelazi jel onih 10 000 m<sup>2</sup> mi mi dakle okolinsku dozvolu nismo davali. Ukoliko ta okolišna dozvola nije u redu znači znači onaj ako nije u redu ako se ako ima nekih smetnji itd je li treba izvršiti nadzor jel to Kantona uprava za inspeksijske poslove ili neko drugi, uglavnom ako ta saglasnost odnosno ta

dozvola koja dobila nije u redu treba naravno organ koji vrši nadzor da to utvrdi, da završi taj dio posla. Ono što se tiče ovog Ministarstva što imam informaciju iz prve ruke da mi nismo dakle davali okolinske dozvole, ni bilo koji dokument iz te iste oblasti kada se tiče objekta koji se radi na lokalitetu Milkosa.

Vezano za Enovu i projekat koji se radi čini mi se tamo Zabrdje, Dobroševići. Ja sam bio nekoliko puta. Zaista je to područje koje treba hitno završiti kanalizaciju, dakle pogotovo ovaj dio uz cestu. Dakle sve fekalije idu u taj dio. Po tom projektu koji je radio evo Enova će se morati vrlo brzo uraditi, izvršiti aktivnosti. Ono što moram reći u ovom trenutku jeste nažalost mi smo već par godina ostali, nisu sredstva sa iz općine Novi Grad povučena iz ovog Ministarstva iz oblasti vodnih naknada. Ja se nadam da iduću godinu za iduću godinu u planovima koji budu same općine da će iskoristi ova sredstva, to je nekih 700-800 maraka da se fazno radi, jer ipak je ovo malo veći, malo skuplji da kažem projekat. On je milijunski i mislim da da će u nekim fazama to trebati završiti i ja se nada za nekih par godina da bi se to moglo taj projekat završiti. Mislim što se tiče ovog Ministarstva mi dajemo punu podršku pogotovo tom dijelu i u pogledu vodosnabdijevanja, a pogotovo u pogledu odvodnje fekalnih voda. Zaista je situacija prilično teška.

Zakon upraviteljima on je ovaj odnosno zajedničkim prostorima on je već bio jedanput na na dnevnom redu. Ja se nadam da će to biti u narednih par sjednica Skupština biti ponovo na dnevnom redu i tako da mislim da će taj zakon proći, odnosno biti biti ovaj pred zastupnicima, tako da evo on je nije sporan. Imali smo proveli smo kompletnu proceduru, imali smo javnu raspravu, imali smo sve ono što treba. Svaki upravitelj je dao svoje mišljenje po tom zakonu. Ukoliko treba nešto još mijenjati možemo na samoj sjednici Skupštine to jel tražiti amandmane, ukoliko vidimo da to nije materijal kako, kako bi bio najbolji. Ali ono što smo, što je bilo proceduralno mi smo mi smo završili.

To je otprilike. Ako sam nešto zaboravio ovaj sve ostalo mogu da dam u pisanoj formi tamo gdje se traže dakle neki pokazatelji koji su koji su vezani za da moramo ovaj posebno imati podatke koje sad trenutno nemam u ovom usmenoj korespondenciji.

### **Elvedin Okerić (Predsjedavajući)**

Zahvaljujemo se ministru Hadžiahmetoviću. Ministar Samir Avdić. Možete uključiti ministra Samira Avdića.

### **Samir Avdić (ministar)**

Hvala predsjedavajući. Lijep pozdrav svim zastupnicama i zastupnicima.

Želio bih da odgovorim na pitanje koje je postavio uvaženi zastupnik Damir Marjanović. U novembru mjesecu, a tiče se Javne ustanove Collegium Artisticum u novembru 2022. godine izabran je izvođač radova i krenuli su građevinsko zanatski radovi na sanaciji enterijera svih izložbenih prostora u Javnoj ustanovi Collegium Artisticum. Sredstva je naravno za realizaciju projekta sanacije obezbijedilo Ministarstvo kulture i sporta. Prvobitno je bila planirana realizacija projekta na sanaciji hidroizolacije krova galerija ali je zbog nedostatka sredstava projekat prilagođen i rađeno je kroz par značajnih izmjena na samom projektu je usmjereno na sanaciju i rekonstrukciju. Dodijeljena su sredstva u iznosu od 380 000 za rekonstrukciju i sanaciju, ali zbog nedostatka sredstava za tekuće troškove dio sredstava u iznosu od 120 000 su bila preusmjerena. Za samu sanaciju i rekonstrukciju ostalo je 260. 000. 130000 su plaćeni troškovi dosada. Prva faza je pri kraju. Uvode se uvodi se druga faza radova to je zamjena dotrajalih elektroinstalacija i rasvjete, zamjena stropa, sanacija zidova sanacija nosećih greda, toaleta, podova i naravno zbog izvođenja radova planirani programi su prolongirani za iduću godinu. Iskreno vjerujemo da ćemo u negdje u ljeto je to možda da kažem ova jesen imati potpuno uređenu galeriju Collegium Artisticum koja svi sami znate što je značilo za prostor bivše Jugoslavije, regiona i broj izložbi koji se održavao tamo. I na kraju krajeva radi se o

jednom veoma značajnom objektu za Kanton Sarajevo i Bosnu i Hercegovinu. Hvala još jednom.

**Elvedin Okerić (Predsjedavajući)**

Zahvaljujem ministru Avdiću. Ministar Adnan Delić.

**Adnan Delić (ministar)**

Hvala predsjedavajući. Pozdravljam sve uvažene zastupnice i zastupnike i želim vam uspješan rad u narednom vašem mandatu. Zahvaljujem se uvaženom zastupniku Kenanu Magodi na pohvalama i želim da kažem da tačno tačan iznos prvobitno koštanja četverosjeda ne znam, izmještanje samog nas je koštalo 3,6 milijuna konvertibilnih maraka, a prvobitno postavljanje četverosjedne žičare na Bjelašnici je koštalo blizu 5 miliona konvertibilnih maraka. Ali evo prilika kada kažem da se trenutno na Bjelašnici rade projekti koji su vrijedni skoro 30 000 000 konvertibilnih maraka, podrazumijevaju više više projekata i drago nam je da smo završili izmještanje četverosjedne žičare prije početka skijaške sezone. Hvala.

**Elvedin Okerić (Predsjedavajući)**

Zahvaljujem ministru Deliću.

U ime ministra Harisa Vranića odgovor će ponuditi sekretar Ministarstva Amra Isić, izvolite imate riječ.

**Amra Isić (sekretar Ministarstva zdravstva)**

Zahvaljujem uvaženi predsjedavajući. Lijepi pozdravi za ostale članove Skupštine, također za izabrane zastupnike i zastupnice, premijera i ministre, kao i sve ostale koji nas prate na današnjoj sjednici. Ispred Ministarstva zdravstva Kantona Sarajevo na sva postavljena današnja pitanja i inicijative uvaženih zastupnika i zastupnica resorno Ministarstvo zdravstva će odgovoriti pisanim putem. Zahvaljujem.

**Elvedin Okerić (Predsjedavajući)**

Hvala lijepo. Premijer Edin Forto se javio riječ. Izvolite.

**Edin Forto (premijer)**

Predsjedavajući, dopredsjedavajući, svi zastupnici, bio sam spriječen doći na vašu konstituirajuću sjednicu. Želim vam uspješan rad, čestitam na vašim mandatima i uvjeren sam da ćete se boriti za prava onih koji su vas izabrali. Misli da će naredne 4 godine biti dobre za građane Kantona Sarajevo i nadam se da ćete svi doprinijeti tome. Ja sam samo htio odgovoriti par stvari vezano za zahtjeve sindikata u Kantonu Sarajevo, onih koji predstavljaju sve zaposlene u sektoru, onih koji bilo da primaju platu iz Budžeta, bilo da to rade izvan budžetskog fonda ZZO-a ili ovih koji su u firmama poput komunalne privrede. Bilo je par pitanja ali ću pokušati usmeno odgovoriti na neke od njih. Mi smo u anticipaciji inflatornih pritisaka početkom ove godine, tačnije kad smo donosili Budžet za 2022. godinu u pregovorima sa Koordinacijom sindikata u Kantonu Sarajevo povećali osnovicu za 5 %, što je tada bilo nezadovoljavajuće za Koordinaciju sindikata, ali smo u nekom razgovoru s njima najavili pregovore o većini kolektivnih ugovora u Kantonu Sarajevo. Ti pregovori su uspješno završeni i moram priznati da i po samom priznanju predstavnika sindikata poput Sindikata policije, osnovnom i srednjem obrazovanju ili radnika u zdravstvu, doktora, medicinskih sestara, svih reprezentativnih sindikata oni su sami rekli da su zadovoljni u tom trenutku. Međutim inflacija je nastavila galopirati u 2022. godini i mi smo u konsultacijama sa sindikatima koji su obavezne pred svako usvajanje budžeta za narednu godinu održali pregovore sa njima i odlučili smo da kao Vlada idemo sa povećanjem dodatnih 5 % na plate putem boda. Što nije isto kao povećanje

putem osnovice jer osnovica je manje-više nepovratna a bod se može korigirati u svakom trenutku prema gore ili prema dole i htjeli smo da imamo tu određenu fleksibilnost imajući u vidu ukidanja pondera koje je uvedeno na federalnom nivou putem donošenja jednog zakona koji je po meni nelegalan. Vlada Kantona Sarajevo je uložila predložila Ustavnom sudu Federacije BiH da ispita ustavnost tog zakona. Još nismo dobili nikakav odgovor i nije raspravljano ni o samom našem zahtjevu, ni o privremenoj mjeri koju smo koji smo zatražili. Ukidanje pondera, tačnije izmjena pondera će koštati građane Sarajeva u smislu smanjenja budžeta između 130 i 150 miliona maraka po procjeni iz Ministarstva finansija. Bez obzira na rast budžeta koji je rezultat inflacije, dakle povećanja cijena, povećanja troškova života, povećanja plata, generalno sistemskog povećanja cijena, to neće nadoknaditi ovaj gubitak koji smo mi imali. Također većinu povećanja punjenja budžeta u 2022. godini smo preusmjerili što u programe koje smo budžetirali budžetom, što samim izmjenama kolektivnih ugovora i dobar dio tih sredstava povećanja budžeta smo vratili radnicima u Kantonu Sarajevo. Pa tako evo samo ću vam navesti neke od primjera: učiteljica u nastavi ili nastavnica u koja radi u nastavi u osnovnom i srednjom obrazovanju u Kantonu Sarajevo je od decembra 2021. znači prije onog povećanja osnovice do januara sljedeće godine, znači za nekoliko dana kada uradimo povećanje dodatnih 5 %, povećanje plate će biti između 21 i 29 %. To je više od inflacije. Također jedan policajac u sistemu u Kantonu Sarajevo će imati povećanje u istom ovom periodu oko 18 %. Jedna medicinska sestra će na primjer u ovom periodu imati oko 23 %, malo preko toga. To je po meni ne samo što smo to radili inkrementalno, znači radili smo to u 3 navrata: osnovica, kolektivni ugovori, bod. To je nešto što je bilo odgovorno i pratili smo kako će se dešavati situacija i na tržištu. Desio se rad na europskom kontinentu, imali smo poremećaja tržišta zbog kovida i posljedica kovida. Bilo je odgovorno da idemo korak po korak. Upravo zbog toga što smo išli iskorak po korak pratili smo punjenje budžeta i vraćali to na odgovoran način, između ostalog i povećanjem plata. U ovom trenutku i sada odgovaram na dva pitanja, mislim da su dva zastupnika postavila ovo pitanje, u ovom trenutku niti imamo planirano, niti imamo mogućnost da isplatimo jednokratnu naknadu. Upravo zato što smo na odgovoran način kroz jedan period od 13 mjeseci radili stalna povećanja kako bi pratili inflaciju. Mislim da su ova povećanja između 18 % za određene struke do čak 29 % za ostale. Misli da je odgovoran način i pokušali smo to sa sindikatima sa Koordinacijom sindikata iskomunicirati da je puno bolje da svake godine se ide da se prati nego da se traži neka, neki veliki, neka revolucija u primanjima, što nije odgovorno i nije moguće u ovom trenutku. Zbog toga molim i vas kao politiku i molim sindikate za razumijevanje. U budžetu Kantona Sarajevo, u ovom trenutku, nije moguće isplatiti jednokratnu naknadu. Ako pogledate ove procjene povećanja koje smo već izvršili onda možete vidjeti da ako nisu puno napredovali sigurno nisu oštećeni u ovom periodu inflacije. Također, osjetimo i određenu odgovornost prema privatnom sektoru, osjetimo određenu odgovornost prema nezaposlenima kojim ni njihovi poslodavci i institucije koje se brinu za njih a radi se o desetinama hiljada nezaposlenih i koliko još radnika u privatnom sektoru nisu ispraćeni na isti način na koji je Vlade Kantona Sarajevo ispratila pritiske troškova života i generali inflatorne pritiske koje su se dogodili prema zaposlenicima koji primaju platu sa Budžeta ili na drugi način u Kantonu Sarajevo. Mi ćemo nastaviti odgovornu politiku prema njima. Ovo povećanje početkom godine je takva politika, a onda možemo pratiti dešavanje punjene Budžeta i kako ćemo ispunjavati svoje postojeće obaveze zavisno od toga kako će izgledati ova situacija sa ponderom koja je jako ozbiljna po Budžet Kantona Sarajevo. Moguće je da neka prava u koje smo uveli šire kategorija ljudi, djece, porodica sa djecom, moguće da budu upitne isplate onoga što smo već i programirali i zakonski propisali, jako je bitno da budemo odgovorni da ne uletimo u neku situaciju. Evo ja ću vam navesti primjer između 2009. i narednih nekoliko godina nakon 2009. Takva situacija se dogodila. Dogodio se makroekonomski šok koji nije bio vezan za Bosnu i Hercegovinu nego je uvezen sa velikom finansijskom krizom. Sve ono što je što je dotad potpisano bilo kolektivnim ugovorima nije bilo novca u Budžetu. Vlada nije isplatila ovo



i onda su desetine hiljada radnika u sistemu Kantona Sarajevo su tužili Kanton Sarajevo i to su tužbe, evo može me zastupnik i ministar Čičić mogu me, može me ispraviti preko 50 miliona maraka nagomilanih tužbi protiv Kantona Sarajevo, od čega smo veliku većinu mi isplatili u ovom periodu. To je također o odgovorno budžetiranje ove Vlade. Zbog toga još jednom podcrtavam uz svu želju da unaprijedimo način života i primanja ljudi koji primaju platu iz Budžeta i drugih u sistemu Kantona Sarajevo u ovom trenutku jednokratna naknada nije u našoj, u našim kapacitetima da je isplatimo. Hvala.

**Elvedin Okerić (Predsjedavajući)**

Zahvaljujemo se premijeru. Zastupnik Mahir Dević se javio. Izvolite imate riječ.

**Mahir Dević (poslanik/zastupnik)**

Ovo je predsjedavajući nezadovoljstvo odgovorom premijera.

Premijeru, vi na početku mandata 2018. godine ste obećali građanima Kantona Sarajevo da ćete riješi pitanje kvaliteta zraka u Kantonu Sarajevo. Na kraju mandata vi nama danas ovdje prodajete maglu.

Znači radi građana Kantona Sarajevo, vi možete ukoliko želite isplatiti ovu jednokratnu pomoć bez ikakvih problema. Budžet Kantona Sarajevo može iznijeti taj finansijski okvir i mi ispred Kluba SDA nismo neko ko je neozbiljan da idemo sa zahtjevom nečega što se ne može realizirati. E sad, druga je, drugo je pitanje što vi to nećete da uradite i što ne tražite načine. Vi ako hoćete da nađete načine, mi to pitanje možemo danas riješi u roku 5 minutom.

Ali evo, vi ste kazali već sustav. I u javnosti i u komunikaciji prema sindikatima, jedino što nama ostaje kao Skupštini Kantona Sarajevo, kao najvećim zakonodavnom tijelu u Kantonu da mi damo svoj stav. Znači naš stav bi trebalo da bude, ukoliko imamo prosvjetne radnike s kojim se vi hvalite ovdje da ste kao nešto povećali, podsjetit ću vas da u Zeničko dobojskom kantonu, u ovom momentu, prosvjetni radnici imaju skoro istu platu, ako ne čak i veću nego u Kantonu Sarajevo.

Znači to je bukvalno skoro istu. I ti ljudi sa duplo manjim budžetom mogu isplatiti ovu jednokratnu naknadu, a mi kao ne možemo. I sada vi to nema pokušavate ovde ovaj obrazložiti kako ste vi neki odgovoran premijer, kako ima, kako kažete vi u vašoj onoj izjavi ovaj predizbornoj, jel. Ima para ako se ne krade.

Pa bi mi sada mi bismo vas

**Elvedin Okerić (Predsjedavajući)**

Vrijeme kolega Deviću.

**Mahir Dević (poslanik/zastupnik)**

pa bi mi sada vas trebali pita da li i dalje stojite iza te izjave? Evo to je to, hvala.

**Elvedin Okerić (Predsjedavajući)**

Prelazimo na zastupnik Jasmin Šaljić, nezadovoljstvo odgovorom, ili? Izvolite imate riječ.

**Jasmin Šaljić (poslanik/zastupnik)**

Ja sam mislio da će se premijer osvrnuti na i na ovih 120 maraka što traži sindikat kao linearno povećanje svim radnicima od portira do funkcionera, ako već ne može tih 1080 maraka. Znači da svima jednako u ovoj krizi povećamo primanja. 12 mjeseci puta 120 maraka, tako traži sindikat. Hvala.

**Elvedin Okerić (Predsjedavajući)**

Zahvaljujem se. Prelazimo na izjašnjavanje o podnesenim inicijativama.

Zamolio bih zastupnike da se izjasne o zastupničkoj inicijativi.  
Zastupnik Kemal Ademović se javio za riječ. Uključite zastupnika Kemala Ademovića.

### **Kemal Ademović (poslanik/zastupnik)**

Hvala. Obzirom da se prvi put javljam, pozdravljam sve prisutne kolege u sali, Vladu, premijera, ministre i predstavnike javnih institucija, ustanova, udruženja građana i gledaoce Televizije Sarajevo.

Nije moguće se izjasniti, da se Skupština izjasni o ovim inicijativom obzirom da je Poslovníkom predviđeno članom 213 da se Vlada mora izjasniti o ovim inicijativama prije nego što to uradi Skupština. Izjašnjenje usmeno premijera nije stav Vlade. Dakle Vlada se mora izjasniti u sjednici dakle na ove inicijative i kazati ima sredstava, nema sredstava, može, ne može i tako dalje. Tako da poslovnički nije moguće uopšte da se danas Skupština izjasni o ovih nekoliko inicijativa koje su povezane sa finansijama. Hvala.

### **Elvedin Okerić (Predsjedavajući)**

Zahvaljujemo se zastupniku Kemal Ademoviću. Mi smo izdvojili inicijative koje je podnio zastupnik Zahiragić, zastupnik Dević. To su te četiri inicijative na koje se Skupštine ne može izjasniti.

A ja sam htio da ponudim izjašnjenje za inicijativu zastupnika Čengića. Evo zastupnik Mahir Dević, izvolite, imate riječ.

### **Mahir Dević (poslanik/zastupnik)**

Hvala lijepo. Mi naravno možemo kazati da ovo što je kolega Ademović kazao je samo djelimično tačno. Mi imamo izjašnjenje i premijera i zvanično njegov stav u pregovorima sa sindikatima, njegove medijske istupe, danas potvrdu da on to neće uraditi, da ne želi i mi ne trebamo zaustavljati Skupštinu da ovo uradi. To što ćemo mi ovu inicijativu zaustavi 2 dana i mi je prekосуtra ponovo tražiti da se za nju glasa, mislim da s tim kolega Adamoviću nećemo ništa dobiti. A znači premijer je jasno rekao da od toga nema ništa i on je taj koji govori u ime Vlade. Prema tome, evo ako nešto znači 2 dana, mi ćemo u petak ponovo traži da se o ovome glasa, a mislim da su stavovi već javno izneseni i u pregovorima i na Press konferencijama u medijima i mi ne bi tražili izjašnjavanje. Naravno da mi znamo ovaj Poslovník o radu Skupštine Kantona Sarajevo. Ako nešto znači 2 dana, evo OK nije sporno. U petak ćemo glasati za to onda. Hvala.

### **Elvedin Okerić (Predsjedavajući)**

Ipak ćemo sačekati stav Vlade da se izjasni o ovim inicijativama pa će onda Skupština o njima se izjašnjavati.

*Zamolio bih zastupnice i zastupnike da se izjasne o inicijativi zastupnika Irfana Čengića za dostavljanje zastupnicima materijala koji su u skupštinskoj proceduri.*

Ja ću kratko samo kazati u ovom obrazloženju ustvari imate ispred sebe neću vam onaj čitati. Otvoreno je glasanje. Zamolio bih zastupnice i zastupnike da se izjasne da materijali se dostavljaju mailom ili da budu stavljeni na web stranicu.

Zaključujem glasanje. Molim službu da objavi rezultate glasanja.

Za je glasalo 31 zastupnik, protiv i suzdržanih nije bilo.

*Konstatujem da je Skupština usvojila ovu inicijativu.*

Prelazimo na tačku 2 današnjeg dnevnog reda.

**AD-2.**

**PRIJEDLOG ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 1. 1. DO 31. 3. 2023. GODINE**

Materijal ste dobili uz poziv za sjednicu. Molim predstavnika Predlagača da podnese uvodne napomene.

Ministar Davor Čičić. Izvolite imate riječ.

**Davor Čičić (ministar)**

Dobar dan poštovani zastupnice i zastupnici, naše građanke i građani koji nas gledaju preko malih ekrana. Pravni osnov za donošenje Odluke o privremenom finansiranju je potreba Kantona Sarajevo za period od 1. 1. do 31. 12. 2023. je član 18 tačka h) Ustava Kantona Sarajevo, a kojim je propisano da Skupština usvaja budžet kantona i donosi zakone o oporezivanju i na drugi način osigurava potrebno finansiranje. I član 35 i 38 Zakona o budžetima Federacije Bosne i Hercegovine kojim je propisano da ukoliko skupština ne donese budžet prije početka fiskalne godine privremeno se a na osnovu odluke o privremenom finansiranju nastavlja finansiranje poslova funkcija programa korisnika budžeta. Privremeno finansiranje obavlja se najduže za prva 3 mjeseca fiskalne godine i privremenom financiranju smislu člana 35 stav 1) Zakona o budžetima u Federaciji BiH obavlja se srazmjerno sredstvima utrošenim u istom periodu a najviše do tromjesečnog prosjeka za prethodnu fiskalnu godinu. Izuzetno od prethodnog mogu izvršavati rashodi i izdaci iz osnova unutrašnjeg i vanjskog duga do visine stvorenih obaveza, kao i rashodi i izdaci koji se finansiraju uplaćenih i prenesenih pomoći, donacija i prihoda za posebne namjene prema odlukama Vlade na prijedlog budžetskog korisnika. Nastavljanje višegodišnjih kapitalnih ulaganja, odnosno nastavlja isplate sredstava za ove svrhe dopušteno je u skladu sa uslovima primljeno finansiranja s tim da je višegodišnje financiranje ili ovlaštenja za buduće obaveze odobreno u prethodnim budžetima. U periodu privremenog finansiranja, finansiraju se isti programi, a korisnici ne smiju povećavati broj zaposlenih u odnosu na stanje 31. decembar prethodne godine. Budžetski korisnici ne smiju započeti nove ili proširene programe ili aktivnosti dok se ne donese budžet. Nakon isteka privremenog finansiranja u tom periodu ostvareni prihodi primici, te izvršeni rashodi i izdaci uključuju se u Budžet tekuće godine. Budžet se mora usvojiti najkasnije do 31. marta tekuće godine, a ukoliko se Budžet ne donese do 31. marta nakon toga se neće izvršavati rashodi u bilo koju svrhu osim otplate duga, a sve dok se Budžet ne donese. A s obzirom da je utoku usvajanja principa i mjera nove skupštinske većine ja se nadam da će te mjere što prije biti donijete kako bi mogla biti inkorporirane u Nacrt budžeta kako bi se Nacrt budžeta što prije mogao doći naći pred vama i upućen u skupštinsku proceduru. Zahvaljujem.

**Elvedin Okerić (Predsjedavajući)**

Hvala ministru Čičiću. Da li predstavnici radnih tijela žele riječ? Ima li pitanja? Zastupnik Mahir Dević.

**Mahir Dević (poslanik/zastupnik)**

Premijer Kantona Sarajevo ima zakonsku obavezu da Skupštini Kantona Sarajevo dostavi Nacrt budžeta za narednu godinu i to početkom novembra tekuće godine. Pitanje za skupštinske službe i za premijera Kantona Sarajevo da li je taj materijal dostavljen u skupštinsku proceduru i ako nije dostavljen zašto nije dostavljen? Hvala.

**Elvedin Okerić (Predsjedavajući)**

Ministar Vranić isključite se molim vas. Zastupnik Irfan Čengić se javio za riječi, izvolite.

### **Irfan Čengić (poslanik/zastupnik)**

Dakle ovo je tačno u skladu sa Zakonom o budžetima da je trebao biti dostavljen nacrt. Ali isto tako ja mogu da shvatim da trenutno je prelazni dio, prijelazna Vlada, dakle da ovo Vlada u tehničkom mandatu i da se treba pripremiti za novu Vladu. Dakle koliko smo upoznati Ministarstvo financija jeste dostavilo radni materijal Nacrta budžeta u Vladu Kantona. Da, javio sam se za diskusiju.

Izvinite nisam se navikao, naviko sam ovo parlamentarno.

### **Elvedin Okerić (Predsjedavajući)**

Otvaram raspravu. Zastupnik Irfan Čengić.

### **Irfan Čengić (poslanik/zastupnik)**

Izvinjavam se, u parlamentu je skupa sve pa sam navikao tako.

Adaptirati ću se na ovaj skupštinske procedure i izvinjavam se još jednom rukovodstvu Skupštine i kolegi koji je intervenisao. Dakle sve ono što sam rekao. Tačno je dakle Ministarstvo financija je dostavilo radni materijal u Vladu Kantona Sarajevo i ono se priprema. Ono što je očito je da će biti nova parlamentarna većina i nije u redu da se predlaže nacrt budžeta i Budžet tamo kada ne znamo ni kakve će politike biti, ni kakve će biti nove politike novih ministara u Vladi Kantona Sarajevo. I ovaj put ću zaista podržati privremeno finansiranje jer imam razumijevanja, ali ono za što ne bih imao razumijevanja da Budžet dođe u hitnom postupku. Tako da ovim putem apelujem da Vlada Kantona Sarajevo Budžet dostavi u redovnoj proceduri, da u januaru ili februaru razmatramo prvo nacrt, da obavimo javnu raspravu, pa tek onda da se glasa o prijedlogu budžeta, a da ne dođemo u situaciju da Skupština Kantona Sarajevo u januaru ili februaru, martu raspravlja Budžet po hitnom postupku, kao što je bilo oko tranzicije Vlade Budžet za 2021.godinu.

### **Elvedin Okerić (Predsjedavajući)**

Zahvaljujemo se zastupniku Čengiću. Zastupnik Haris Zahiragić, rasprava.

### **Haris Zahiragić (poslanik/zastupnik)**

Zahvaljujem se predsjedavajući.

Novembar, kao što kolega Dević kazao je bio rok da se dostavi Nacrt budžeta Kantona Sarajevo. Kolega Čengić je u svojoj diskusiji kazao kako je dostavilo Ministarstvo finansija neki draft. Draft kao takav po Zakonu o budžetima Federacije ne postoji ni u kakvom formi. Dakle nacrt budžeta nije utvrđen ni na Vladi Kantona Sarajevo. Opravdanje i isprika kako je ova Vlada u tehničkom mandatu apsolutno ne, kako da kažem, ne drži vode. Zašto? Zato što parlamentarna većina koja stoji iza ove Vlade se nastavlja u Kantonu Sarajevo. Parlamenta parlamentarna većina koja je izabrala ovu Vladu ili da ta famozna trojka plus kolega Marjanovića ili hajmo reći četvorka ima 19 ruku. Imate 19 principa i 300 mjera famoznih itd koje osim što niste realizirali mogli ste sada kroz Budžet početi realizirati. To niste uradili.

Kako kaže premijer, ima para kada se ne krade. Vrlo dobro kolega Dević, moram priznati i prepoznati to, prepoznao to kada se maloprije izjašnjavao premijer o pomoći radnicima za inflatorni uticaj na njihove živote, kada je premijer ponovo kazao da nema para što nas dovodi do zaključka da se evidentno, to nisam ja rekao nego premijer je to kazao više puta, krade. Bilo je također onih famoznih rečenica od onih famoznih političara koje evo nisu hvala Bogu više tu sam nama pa ćemo vjerovatno u radu bit dosta efikasniji, kaže, ljudi su nas pitali gdje su vam pare, citiram čak, evo i poluglumim, sad nas pitaju, odakle vam pare. Evo sada vas ponovo pitamo gdje su vam pare premijeru? Zaduženja koje ste Kanton Sarajevo protekle 4 godine nekako hazarderski, kockarski uzimali i povećali kamate. Samo pogledate koliko je rast kamata u Budžetu. Vjerovatno morate izračunati koliko će na kamate novca građana Kantona Sarajevo

otići ove godine zato što ste protekle 4 godine sve što ste radili, a niste radili ništa kapitalno, otići. Ponuda u međunarodnim kreditnim institucijama, to je primjer Ford kazao ima ponude s izdašnim ponudama za plate, ona ne zna da li će ostati premijer itd. Ima on ambicije, volio bi on u Vijeće ministara. Tako nam on kaže. A ima opciju i kod međunarodnih kreditnih institucija da radi. I nem'o.

**Elvedin Okerić (Predsjedavajući)**

Kolega Zahiragiću možete li se držati teme, molim vas?

**Haris Zahiragić (poslanik/zastupnik)**

Držim se teme: Budžet Kantona Sarajevo. Međunarodni. Kako nije? Pa ne mogu ja izvan konteksta posmatrati premijera Fortu samo u sali skupštinskoj. Ja govorim koji su razlozi zašto.

**Elvedin Okerić (Predsjedavajući)**

Zamolio bih vas da govorite o temi.

**Haris Zahiragić (poslanik/zastupnik)**

Govorim o temi Budžeta. Dakle zašto jedna od mogućih, evo da se ispravim, jedne od mogućih razloga zašto nije nacrt budžeta usvojen na Vladi zbog činjenice da primjer Forto ne zna da li će ostati premijer Forto, kao što je kolega Čengić potvrdio da je ova Vlada tehničkom mandatu. Ono što je on kazao jučer na TV SA da ima ponudu međunarodnih institucija, vjerovatno je to nagrada za ove kreditne stope i kredite kamate kojima je opteretio Budžet Kantona Sarajevo. To bi mogao biti drugi od razloga zašto nema Budžeta Kantona Sarajevo. A kako će biti kada premijer Forto kaže da nema 1080 maraka. Dakle inflacije trenutno preko 20 % na osnovne životne namirnice.

Kanton Sarajevo ni na koji način, umjesto da je u novembru poslijee izbora sutradan 3. oktobra kada je vidio da će i dalje ostati premijer da će Vlada u ovom političkom sastavu ostat morali ste reagovati, morali ste zaustaviti sve bespotrebne nabavke, bespotrebne programe i sve pare usmjeriti ka barem pokušaju zaustavljanja inflatorne katastrofe koja se dešava u domaćinstvima naših građana. Znete li vi koliko je poskupilo ulje, puter, hljeb. Maloprije sam kupio žvake na trafici marka i po su. Orbit je marka i po.

Ovo karikiram. Gorivo je preko skoro 3 marke i preko 3 marke. Nemojte dizati ruku zastupnice i kolegice jer ovo govorim o Budžetu i privremenom finansiranju i inflaciji. Kila kafe je 18 maraka.

Kila kafe je 18 maraka. Da li znate koliko penzioneri mogu sebi kile kafe kupiti? Znete li koliko je poskupilo grijanje? Koliko su poskupile režije? Ja znam da je teško to iz pozicija ljudi koji imaju 3000 maraka platu shvatiti kako živi običan narod. Kada kažem običan, to kažem ljudi koji imaju prosječna i ispod prosjeka primanja u Kantonu Sarajevo a takvih je najveći broj. Ni na koji način ova Vlada nije pokazala socijalnu osjetljivost, nije pomislila da sa preko milijarde 200 miliona Budžeta, ove godine možda 300 ili 400 000 000, vidjećemo kada nam daju Nacrt, pokuša djelovati na način da se domaćinstva ne opustoše potpuno. Ljudi dižu kredite u mikrokreditnim organizacijama kako bi platili režije. A premijer nama kaže nema za radnike kantonalne 1080 maraka, nema za subvencije grijanja ljudima koje je poskupilo od 20 do 60 % u zavisnosti koji energent koriste. Znete koliko je tona peleta? Znete koliko je metar drva? Vjerovatno ne znate, niti vas je briga. Krajnje je neodgovorno u momentima u kojima se dešava ovakva inflacija da u 3 dana pred Novu godinu, pred krajnji rok usvajamo Odluku o privremenom finansiranju zato što se politički dogovor još nije desio u Kantonu Sarajevo.

Politike nove vlade, potencijalne, nove politike se mogu kroz rebalans budžeta usvojiti. Ova Vlada dok je Vlada se morala odgovorno ponašati prema svim temama, a pogotovo u situaciji u kojoj sa ovakva poskupljenja dešavaju. Ali se ne ponaša odgovorno. Drže se na prste

pokušavajući tabiriti državnu politiku. Hoće svi u Vijeće ministara, hoće svi u Federalnu Vladu. Apsolutno vas nije briga što se dešava u Kantonu Sarajevo.

Apelujem i plediram na ministra finansija da bez obzira na političke odnose, da bez obzira na činjenicu da li će Forto raditi u MMF-u, da li će biti ministar u Vijeću ministara ili bilo šta drugo ili će ostati premijer Kantona Sarajevo, da on svoju dužnost kao ministar financija ispuni na način da taj Nacrt donese na Vladu i da Vlada utvrdi Nacrt, da vam ga donese hitno u januaru, pa ako dođe nova Vlada, ako dođu nove politike, nadam se da će doći nove politike jer ove politike do sada su katastrofalne, taj rebalans se može uraditi za mjesec dana. Malo ste se zaigrali politike. Ne možete raditi kako niste multifunkcionalni, ne možete razmišljati o formiranju vlasti, imati personalne ambicije i u isto vrijeme raditi svoj posao. Da li Vlada u tehničkom mandatu prima platu? Prima platu. Da li ministar financija i premijer primaju platu? Primaju platu. Građani nek znaju, te plate su oko 4.000 maraka.

Sa dodacima, službeni automobili, gorivo. Vi ne znate koliko košta gorivo više jer imate službenu onu karticu provučete popunite putni nalog ne znate. Sad će neko već koristi, ne koristi. Imate tu opciju da koristite. Ljudi sipaju na benzinskim pumpama po 20 maraka, ljudi sipaju po 6 l goriva.

Ma ja vidim dobacuju iz Naše stranke kolege. Mislim dobacujte, vi ste svakako jedna elitistička skupina koja ne razumije potrebe ovog naroda, pa i vaše jeste da dobacujete na ovakve diskusije.

### **Elvedin Okerić (Predsjedavajući)**

Kolega Zahiragiću, molim vas držite se teme.

### **Haris Zahiragić (poslanik/zastupnik)**

Pa neka me ne, onda i vi držite se, neka mi ne dobacuju molim vas kolege zastupnici iz klupa. Vrlo je neprimjereno, pogotovo kad govorim o standardu i života građana u Kantonu Sarajevo koji su barem 50 % na rubu egzistencije. Zna li koliko je minimalna penzija i izračunajte troškova života i zamislite koliko ostane tim ljudima para. I kaže premijer Forto nema za subvencije za grijanje koje je poskupilo od 30 do 60 %.

Maloprije sam podnio inicijativu za Toplane da se uvede mjerači da ljudi ne plaćaju, pa da se ne plaća paušalno jer ljudi bi se odrekli grijanja samo da imaju da kupe hljeba i lijekova. Takvo je vrijeme došlo. I Umjesto da mi svaku marku koju imamo uštedimo, da mi sebi smanjimo plate, barem privremeno dok se ne stabilizira situacija s inflacijom, da svaku marku, svaki bespotrebni trošak, svaku promociju, marketinške usluge koje radite, sponzorisanje po Fejsbuku koje radite, da sve to prestane, da se svaka marka usmjeri u standard građana u zaustavljanje inflacije, vi nama govorite da se Vlada još nije imenovala pa zato mi uopšte se ne bavimo Budžetom. Ako niste sposobni raditi više radnji u isto vrijeme podnesite ostavku. Ako vam treba podrška da ćemo mi podršku zamijeniti Vladu odmah al problemi građana uopšte ne trpe vaše političke nesuglasice, vaša politička razmišljanja, dijaloge, programe nove, ne programe.

Emanet predsjedavajući, ja vidim da me razumijete, zbog toga ste spustili pogled, emanet koji su preuzeli ministri.

Svaki građanin koji je gladan je naš emanet danas. Svako dijete kojem nema majka dati za užinu danas zato što je poskupio plin za duplo je naš emanet. To što smo mi potpuno zaboravili koji je posao zastupnika, što uživamo u međusobnim političkim igricama i mi nekad u tome učestvujemo, to je druga tema. Ali emanet za obavljanje pojedinačne dužnosti povjerene dužnosti je na svima vama.

### **Elvedin Okerić (Predsjedavajući)**

Vrijeme kolega.

### **Haris Zahiragić (poslanik/zastupnik)**

Ispred kluba govorim, ako mogu kolega Mahire. Je na svima nama. I nemojte nas na takav način komentarisati. Nismo mi ovdje neka skupina ljudi koja je neozbiljna, koja ne razumije šta se dešava. Ne možete, evo imate Stranku za BiH, hoće u vlast, neće u vlast. Jesu vam skupi, nisu vam skupi, šta traže, dal su njihove politike usklađene sa vašim politikama, ja se nadam da nisu i vjerujem da nisu jer su ovo ljudi koji su prema mom dosadašnjem doživljaju kolega iz Stranke za BiH u značajnoj mjeri ozbiljniji i prema inicijativama i prema temama koje delegiraju nego što je to trenutna parlamentarna većina. I ja želim da vjerujem da ako uđu u parlamentarnu većinu će konačno biti neko s kim se moći razgovarati u ovoj sali, ko razumije potrebe građana. Vi to očito ne razumijete. Neka kolege zastupnici koji su tek preuzeli mandat ne shvate ovo lično. Ja evo dajem sebi za pravo da vjerujem da se svi slažete sa mnom ili većina kolega zastupnika. Mi svoje poslove obavljamo. Sve što je u našoj nadležnosti mi radimo. Vlada je propustila to da uradi. Možete vi reći ni ranije Vlade nisu i tako dalje. Nije nikada Bosni i Hercegovini od prije agresije do danas bila ovakva inflacija.

Ima jedan film, srbijanske produkcije, kaže "Selo gori a baba se češlja". Inflacija gori Forto se češlja za Vijeće ministara, ako bog da da se začeslja i da više nikada nemamo ovakog premijera. Hvala vam.

### **Elvedin Okerić (Predsjedavajući)**

Zastupnica Vildana Bešlija replika. Izvolite imate riječ.

### **Vildana Bešlija (poslanik/zastupnik)**

Hvala vam na riječi. Ja bih zaista zamolila prije svega prije nego što krenem uopšte da da replicira na ovo na pokušaj kolege ovaj Zahiragića da zamolim da dobacivanja koja spominje kolega Zahiragić prema drugim zastupnicima, da pokušate osujetiti kada on to radi i kada kolegici ispred sebe prijeti" nemoj da dižeš tu ruku".

Znači ovo je sala Skupštine, svi smo čuli, prema tome molim vas, prije svega da se zadrži mir i adekvatan rad u ovoj sali a onda možemo.

### **Elvedin Okerić (Predsjedavajući)**

Ispravka krivog navoda zastupnik Zahiragić.

### **Haris Zahiragić (poslanik/zastupnik)**

Kolegica Bešlija poznata barem kada sam ja u pitanju, ima neku posebnu vezu sa mnom i drago mi je to. Već ranije me pozivala i prozivala na osnovu. Ovo je ispravka, ne može se ispraviti ispravka krivog navoda. Tu ste osam godina, naučite Poslovnik, imate platu 3000 hiljade, to je ovolišna knjižica. Molim vas, kolegica Vildana Bešlija je prije 2 mjeseca na osnovu lažnih poruka na Instagramu, sa lažnih profila mene optuživala za nešto. Sada nastavlja to radi na način da kaže da sam ja nekome prijetio. Kolegice Bešlija, ja jednostavno u svom habitusu, u svom kućnom odgoju, u svom ponašanju nemam uopšte opciju da prijetim niti jednoj ženi, a pogotovo kolegici koja sjedi ispred mene. Tako da molim vas nemojte na takav način mi to imputirati jer to nije sa vaše strane korektno. Bez obzira na tu činjenicu ja vas i dalje cijenim kao svoju kolegicu, kao ženu, kao majku. Nama iz SDA je taj status vrlo značajan, mi sebi ne dopuštamo takvu vrstu komunikacije ili odnosa ili ne daj Bože prijetnji prema ženama i nemojte nam to imputirati molim vas. Hvala vam.

### **Elvedin Okerić (Predsjedavajući)**

Zastupnica Vildana Bešlija replika. Izvolite.

### **Vildana Bešlija (poslanik/zastupnik)**

Prije svega nemamo nikakvu vezu. Druga stvar, 8 godina nisam tu. Ja bih još mogla nastaviti ovako 10- 15 minuta i u ime kluba i demantovati riječ po riječ koju je zastupnik Zahiragić maloprije rekao, ali to nije bit mog zastupničkog mandata ni djelovanja u Skupštini Kantona Sarajevo. Htjela bih se osvrnuti na ono što je, što smo malo prije imali priliku da čujemo pa da postavim evo par pitanja i ja kolegi Zahiragiću onako što se tiče teme. Zna li vi čime se određuje minimalna penzija? Zna li da je to na federalnom nivou? Zna li da je tu već 8 godina, a ovo je tačan podatak u odnosu na ono što ste maloprije rekli vezano za mene, što nije bilo. Vaš stranački kolega koji dva puta ili bar jednom sedmično obilazi sudove, brani sa za kriminal za koji je optužen. Svi to znamo. I to je ta Vlada koja ništa nije uradila. Kada već pričamo o minimalnoj penziji onda treba pričati tu i trebate te stvari ako već saosjećate sa penzionerima, ako već mislite da treba minimalna plata biti veća, ako već smatrate da evo ako ćemo porediti Kanton Sarajevo, a znamo svi šta je urađeno u proteklom periodu u ovom mandatu vezano za porodicu, za pomoć porodiljama .Znamo da smo bili u mnogim stvarima primjer ostatku Federacije i države. Znamo da smo imali politiku da ni jedno dijete ne smije biti ne smije ostati a da nije upisano u vrtić. Kada poredimo plate u ZD Kantonu i Kantonu Sarajevo po pitanju nastavnika i nastavnog osoblja onda treba imati u vidu ako već kažete da je tolika razlika u odnosu na plate i kako taj Kanton može imati približno istu platu, odnosno nastavnici u Kantonu Sarajevo i tamo, ako već to uporedimo uz sve ono što smo čuli, što je već iznio ovdje premijer, možemo zaključiti da čak i toliki napor koji je ova Vlada na čelu sa premijerom Edinom Fortom ostvarila u proteklom periodu i u zadnjoj godini sa povećanjem plata nije bio dovoljan da nadomjesti dugogodišnji nerad koji je bio zastupljen u Kantonu Sarajevo pa nismo uspjeli ili smo tek stigli neke kantone, a trebamo biti primjer, a znamo koliki je Budžetima imao Kanton Sarajevo i nije samo to u ovoj godini i nije samo u ovom mandatu, nego dugi niz godina. Hvala vam.

### **Elvedin Okerić (Predsjedavajući)**

Replika zastupnik Zahiragić.

### **Haris Zahiragić (poslanik/zastupnik)**

Hvala predsjedavajući. Dakle kolegica Bešlija je kazala nismo ni u kakvoj vezi. Nisam tako rekao, rekao sam da imamo neku posebnu vezu. Evo ja se izvinjavam ukoliko sam vas na takav način uvrijedio. Vi imate neku posebnu potrebu da moje ponašanje, moje stavove i generalno moj lik i djelo na neki način pokušati prikazati prijetećim, šovinističkim, uvredljivim. Ja ne znam koji je razlog ,moglo bi se to sociološki i psihološki, na druge načine istraživati, ali evo neću sebi davati to zapravo. Nek svako procijeni koji su to razlozi.

Vlada Federacije koju spominjete apsolutno nema veze sa Budžetom Kantona Sarajevo. Dakle nisam ja rekao da Kanton Sarajevo treba povećati minimalnu penziju kolegice Vildana Bešlija, pošto ste vješto pokušali ali to je ipak za nivo Opštinskog vijeća u kojem ste vi bili 4 godine i ovdje četiri, zbog toga se izvinjavam na tih 8 sam mislio. Nemojte tako jeftino pokušava meni držati lekciju o nadležnostima, ja i te kako znam da je Federacija nadležna za penziju ali je Kanton Sarajevo sa svojih milijardu 300 miliona nadležan da barem tih 100 miliona uloži u sprječavanje inflacije na način da se ta inflacija u što moguće manjoj mjeri tim penzionerima sa minimalnih penzija da nacrtam ako hoćete olakšamo. Da kategorije društva koje su ugrožene inflacijom budu pomognute iz Kantona Sarajevo, kako kroz subvencije za grijanje, kako kroz jednokratne pomoći, tako kroz neke nove programe koje da ste imalo dobronamjerni ste mogli osmisliti.

Ta Vlada Federacije koju spominjete više puta i koja vam je očito nedostižni cilj i bit će vam još dugo ako Bog da, je 205 000 000 maraka dala posljednje 4 godine ovoj Vladi Kantona nesposobnoj koja te pare protračila i dijelila. Plaćala na sumnjiv ekskurzije u Dubaiju i davala



na sponzoriranje po Facebooku, davala poslove privatnicima bliskim vašim političkim strankama itd. Niko nije spomenuo porodilje, vi ste ih spomenuli, ali kada ih već spominjete, to je bila naša inicijativa kolegice Bišćević-Tokić je uputila. To je bio Zakon za koji smo mi glasali ovdje također i u konačnici to je zakon koji ste vi u ovoj godini se pokazao da nije to baš usvojeno onako kako ste vi jel govorili da te žene ne dobivaju baš taj iznos sredstava. Bosansko-podrinjski Kanton, kad već spominjete Zeničko dobojski kanton, je kanton koji je na ivici stečaja u financijskom smislu. Oni nisu solventni da redovne obaveze to jeste plate i održavanje sistema Kantona jednog tako malog ispoštuju, uprkos tome, podijelili su svim radnicima po 1080 maraka. Goražde dakle je socijalno osjetljivije, ekonomski razvijene ili možda kolegica Aida Obuća nije krala za razliku od nekih drugih premijera, ako je istina ono što je premijer Forto kazao: "Prije se kralo sad se ne krade, ima para". U konačnici, i zadnja i posljednja rečenica, iako je kolega Konaković koji je vodio Kanton prije Edina Forte vaš koalicioni partner, imajući u vidu činjenicu da je on ipak bio moj stranačkih kolega, ja ne mislim da ta Vlada koju je on vodio bila toliko neradnička da Forto ni dan-danas ne može to ispraviti.

**Elvedin Okerić (Predsjedavajući)**

Hvala. Replika zastupnica Vildana Bešlija. Zastupnice imate repliku ili diskusiju? Zastupnica Miomirka Melank replika.

**Miomirka Melank (poslanik/zastupnik)**

Ja sam se javile iz ove autistične grupe, ne znam šta gospodin Zahiragić ima protiv autističnih te nas je tako posprdno nazvao u ovom Klubu. Htjela sam napomenuti da se radi o tome da je.

**Elvedin Okerić (Predsjedavajući)**

Ispravka krivog navoda zastupnik Zahiragić.

**Haris Zahiragić (poslanik/zastupnik)**

Ponovo dame iz Naše stranke pokušavaju od gospodina Harisa Zahiragića napraviti nekog monstruma, kolege svog itd. Nisam rekao da ste autistični, bože sačuvaj. Nemojte mi stavljati riječi u usta kolegice, neće vam to poći za rukom. Ja sam govorio o politikama koje ne reaguje. Autistična politika. Autistična politika, evo pomoć prijatelja je tražila kolegica Melank, možda na drugo slušanje razumije šta sam kazao, je politika koja ne reaguje adekvatno, koja sporo reaguje, koja ne prepoznaje krizu, politika Vlade, ne Klub Naše stranke i nemojte molim vas mi takve stvari govoriti jer ja nikada vas nisam uvrijedio, iako ste možda baš vi lično svojim stavovima o ezanu u Sarajevu to i te kako zaslužili.

**Elvedin Okerić (Predsjedavajući)**

Hvala kolega Zahiragiću. Dovoljno je. Zastupnica Melank, izvolite.

**Miomirka Melank (poslanik/zastupnik)**

Pa evo ja da napomenem da inicijativa koju je, koju su dali o tome da se isplati pomoć radnicima u Kantonu Sarajevo u iznosu od 1080 maraka se ne odnosi na penzionere, ne odnosi se na nezaposlene, ne odnosi se na radnike koji rade u realnom sektoru, ne odnosi se na radnike sa minimalnim platama, ovdje se radi samo o radnicima u Kantonu Sarajevo. Kada je govorio o toj lošoj situaciji i inflaciji u Bosni i Hercegovini pozivao se zastupnik na situaciju, siromaštvo, na to da ljudi nemaju šta da jedu, dakle sve ovo se ustvari ne odnosi na one koji nemaju šta jedu i na one koji su najsiromašniji. Toliko hvala.

**Elvedin Okerić (Predsjedavajući)**

Hvala zastupnici Melank. Odgovor na repliku zastupnik Zahiragić.

### **Haris Zahiragić (poslanik/zastupnik)**

Uvažena kolegice Melank, kada vas profesor pita u školi jedno pitanje, a vi ste naučili drugo pa onda govorite samo da biste govorili. Kolega Mahir Dević je podnio tu inicijativu za 1080 maraka i u njoj naveo da se isključivo naravno radi o radnicima zaposlenim u Kantonu Sarajevo. I ako hoćete i tu ima socijalnih slučajeva, i tu ima samohranih majki, šehidskih porodica koje rade za 700 ili 800 maraka.

Znate, ko žene koje održavaju higijenu, evo ljudi u Kantonu koji vas služe, ove službe kojima tako pretenciozno tražite. Znate li kolika je plata ovih službi i radnica i radnika. Prosječna je 1000 maraka, a vama je 3000. Oni rade 8 sati, a kada mi ovdje zasjedama ovdje cijeli dan rade po 18 sati, a vi dođete ili ne dođete na sjednicu, svi mi ovdje. Tako da ja i te kako znam da se ta Mahirova inicijativa odnosila na radnike u Kantonu Sarajevo i želimo da svi radnici u Kantonu Sarajevo od higijeničarki do sekretarke koja puno radi ovdje, više od svih nas, dobiju tu pomoć jer je svima njima poskupio život. S druge strane inicijativa koju sam ja na primjer podnio za subvencije u grijanju se ne odnosi samo na radnike u Kantonu nego i za penzionere, nego za najugroženije kategorije društva.

A ni to nije bila tema moje diskusije nego da ste vi kroz Budžet Kantona Sarajevo trebali prepoznati taj fenomen inflacije, napraviti programe na način da najugroženije kategorije ovog društva, sve koju ste pobrojali, dobiju adekvatnu podršku Kantona Sarajevo. I molim vas nemojte više kolegi Zahiragiću stavljati riječi u usta jer kolega Zahiragić nikada neće dozvoliti da me na takav način predstavite.

### **Elvedin Okerić (Predsjedavajući)**

Zahvaljujem se kolega Zahiragiću. Zastupnik Mahir Dević diskusija. Izvolite imate riječ.

### **Mahir Dević (poslanik/zastupnik)**

Hvala predsjedavajući.

Znači mi smo danas ovdje kao zastupnici suočeni sa očitim prikazom nerada Vlade Kantona Sarajevo na način znači da taj isti premijer nije bio u stanju da predloži pazite ni Nacrt budžeta Kantona Sarajevo. Znači nije prvi put da mi donosimo odluku o privremenom finansiranju, to se dešavalo i prije. Međutim situacija da imate vlast i da dane provodite u sunčanom Mostaru komentarišući društveno političku stanje u Bosni i Hercegovini na način da predstavljate vremensku prognozu pretpostavljam da niste taj dan kao što je naš premijer Edin Forto bili na godišnjem odmoru jel, vi ste bili na radnom mjestu. Evo ja se izvinjavam možda je taj dan premijer Kantona Sarajevo uzeo godišnji pa otišao u Mostar sunčani pa nas obavijestio da neko sunce dole ugrijalo u Mostaru, a mi ovdje nemamo Nacrta budžeta Kantona Sarajevo. Znači ponavljam vam još jednom Nacrta budžeta Kantona. Premijer je bio dužan po Zakonu ne samo da dostavi Nacrt budžeta Kantona Sarajevo već sva mišljenja, prijedloge, sugestije, diskusije koje su trebale da budu osnov za usvajanje Budžeta Kantona Sarajevo. Zašto je ovo se problem. Problem je zato što se ovo sve radi iz političkih razloga. Nije završena politička raspodjela plijena i sada taoci tog procesa treba da budu svi građani Kantona Sarajevo. U idealnoj situaciji, a ovo je informacija zbog građana Kantona Sarajevo, će se desiti sljedeće: ako se imenuje Vlada od strane ove parlamentarne većine koja se evo najavljuje nekada u februaru ili martu, što je poslovnički moguće ili ćemo imat lošu javnu raspravu koja će biti skraćena u Budžetu Kantona Sarajevo ili je nećemo imati nikako, ili ćemo imati neki prijedlog koji će se napraviti što kažu na neki način vrlo netransparentno zbrda zdola i u idealnoj situaciji ćemo mi taj Budžet Kantona Sarajevo negdje imati na proljeće.

Naravno kada vi izgubite prva 3 mjeseca u realizaciji bilo kakvih politika i bilo kakvih projekata onda onaj vaš vrhunski rezultat koji ste kao Vlada postigli da ste imali realizaciju Budžeta na kapitalnom djelu Budžeta u 3 najvažnija Ministarstva, ponovit ću još jednom: Ministarstvo privrede, komunalne i saobraćaja, čija realizacija bila na nekih cijelih 12 % na jesen tamo

nekada, vi ćete imati scenarijo isti ili gori. E zbog toga je to gospodo neodgovorno što je premijer uradio. Ja razumijem da neka parlamentarna većina treba da definiše svoje politike kroz prijedlog budžeta, ali izgubiti svo ovo vrijeme od izbora, tačnije skoro 3 mjeseca, a ne uputiti u proceduru Nacrt budžeta da ta procedura, ide da se svi korisnici budžeta oglase, da da daju svoje stavove, pa onda ta nova parlamentarna većina ima spremne materijale za prijedlog, to je vrlo, vrlo, vrlo neodgovorno. Naravno mi smo sada evo kao Klub suočeni sa situacijom trebao da glasamo protiv Odluke o privremenom finansiranju što bi praktično značilo da zaustavljamo plate, cijeli život u Kantonu Sarajevo. Svako ozbiljan to neće uraditi mi ćemo dati podršku kao Klub Prijedlogu odluke o privremenom finansiranju, ali je nevjerovatno neodgovornost premijera Kantona Sarajevo u ovom cijelom procesu koji je ovaj iza nas. On se ne da politički braniti bez obzira ovaj kojoj političkoj stranci pripadate. Ovo je vrlo, vrlo, vrlo neodgovorno od strane premijera Kantona Sarajevu jer je on najodgovorniji za ovakvo stanje. A mi ćemo kao Klub dati podršku Prijedlogu odluke o privremenom finansiranju i potreba korisnika Budžeta Kantona Sarajevo i Zavoda zdravstvenog osiguranja i Službe za zapošljavanje Kantona Sarajevo. Hvala.

### **Vibor Handžić (Dopredsjedavajući)**

Za repliku se bio javio zastupnik Čengić, izvolite.

### **Irfan Čengić (poslanik/zastupnik)**

Hvala dopredsjedavajući. Dakle ja sam se javio pošto me spomenuo kolega Zahiragić u vezi ministra finansija. Dakle ja dobro znam procedure i nisam govorio da je uputio u procedure. Ja sam govorio što je ministar finansija odradio, dalje je posao Vlade kantona da utvrdi Nacrt i dostavi u parlamentarnu odnosno skupštinsku proceduru. I slušao sam pažljivo izlaganja zastupnika Devića i Zahiragića i mogu reći da 99 % onoga o čemu danas govorimo dakle ne ovih drugih političkih tema su u pravu, ali bi im kredibilitet dalo da isto ovako evo kolega Zahiragić bude govorio u Domu naroda jer mi Budžet Federacije 7 godina po hitnom postupku donosimo bez ičega, a još nije predloženo ni privremeno finansiranje Federacije Bosne i Hercegovine. A pošto smo mi kolege u Domu naroda i mnogo nas će biti u Domu naroda da isto ovako govorite jer bi vam to dalo kredibilitet svemu onome što ste govorili ovdje, a za šta većinu jeste u pravu kada govorimo o proceduri donošenja budžeta. Dakle ne govorim o političkim stvarima i koje stvari nisu tema današnje tačke dnevnog reda. Ja ponavljam kredibilitet mojoj diskusiji daje za to što isto govorim i premijeru Novaliću i premijeru Forti. Dakle, danas ću podržati iz istih razloga dakle jer ne želimo da opstruiram funkcionisanje Kantona, ali nikako ne bi podržao hitnu proceduru i još jednom apelujem, čak ako treba danas da Skupština zaključak usvojimo, mada nije potrebno jer je to zakonska odredba, da se Budžet dostavi u redovnoj proceduri sa javnom raspravom i nakon toga dostavljanje prijedloga. Dakle nisam govorio da je ministar finansija uputio u proceduru već da je pripremio materijale, a ostala odgovornost je na Vladi Kantona Sarajevo. Dakle ja nisam govorio o upućivanju u parlamentarnu proceduru, već isključivo o odnosima u Vladi, a Vlada i premijer Forto to utvrđuju Nacrt budžeta. To ne može dostaviti sam ministar financija.

### **Vibor Handžić (Dopredsjedavajući)**

Odgovor na repliku zastupnik Zahiragić, izvolite.

### **Haris Zahiragić (poslanik/zastupnik)**

Nisam ni slutio da će kolega Čengić biti principijelan kada se govori o ovim suštinski važni tema za građane. Drago mi je da konačno u ovoj sali postoji neki nivo koncenzusa između pozicije i opozicije kada su u pitanju potrebe građana, jel.

Drago mi je također da je kolega Čengiđ u ime ministra Čiĉa kazao da je on svoj dio posla za sada završio. Dakle to nas dovodi do toga da premijer Forto svoj dio posla nije završio. Malo da se našalim i da opustim atmosferu, kako kaŹe Rizo ruŹa ovoj novoj pjesmi koja je postala na neki naĉin tema svih medija, tati radio? Ta je radio premijer Forto posljednjih par mjeseci. To je pitanje jedno realno koje također kolega Čengiđ i ja smatramo da ga je bitno spomenuti. Nije radio svoj posao.

Kada je u pitanju Vlada Federacije na koju se uvijek kolege iz trojke pozivaju kada govorimo o ovim temama, ja sam ovdje danas zastupnik u Skupštini Kantona Sarajevo. Obaveze koje sam ja preuzeo je broj glasova i podrška od građana koji sam dobio obavezuju da se bavim ovim temama- naravno da kada budem zastupnik u Federalnom parlamentu i ako budu te teme tada ĉete me moći pozvati da budem principijelan i ja mislim da vi ne sumnjate da ĉu ja kao i uvijek ostati dosljedan i principijelan, s jednom bitnom razlikom da je Vlada Federacije puno sloŹenija zbog ĉinjenice da je ministar financija gđa Jelka Miliĉević, pa vidjeti ĉete ako budete imali priliku u Vijeću ministara kako se teŹe donose odluke na višim nivoima nego u Kantonu Sarajevo gdje je potrebno da sjedne 12 ljudi i da donese odluku za ĉas posla, jel.

I u konaĉnici ono što sam prepoznao u diskusiji kolege Čengiĉa i malo ĉu likovati i reći da sam obradovan zato što je to zastupnik koji je tek sada ušao u Skupštinu Kantona Sarajevo a pamtI kako se u hitnoj proceduri na hitnim sjednicama usvajali budŹeti. S obzirom da vam je Irfan Čengiĉ vrlo bitan za većinu nadam se da ĉe vas on natjerati da više nikada na hitnoj sjednici u hitnoj proceduri ne usvajate BudŹet. Hvala kolega Čengiĉ zbog ĉinjenice da znate da naše kolege, bez nacrt, naravno bez javne rasprave, tako dalje, direktni prijedlog je bio na hitnoj sjednici u hitnoj proceduri, dakle bez iĉega. Ja znam se dešavalo to i na višim nivoima, mi govorimo o Kantonu Sarajevo tako da moram reći da mi je i to drago. Izgleda da ĉe ovaj saziv Skupštine moŹda biti konaĉno onaj koji ĉe raditi u interesu građana ako iz pozicija bude dovoljno glasova poput ovog kolege Čengiĉa. Hvala vam.

### **Vibor HandŹić (Dopredsjedavajući)**

Zastupnik Bandić, izvolite.

### **Muamer Bandić (poslanik/zastupnik)**

Predsjedavajući, ja bih prije svega Źelio da skrenem paŹnju, pošto je predsjedavajući izašao, evo vama ĉu se obratiti, da tok sjednice usmjeravate upravo u taĉku dnevnog reda. Ove političke prijedloge kolega iz Stranke demokratske akcije, evo da kaŹem u dobroj mjeri su osnovane. Ali da sa tog političkog polja prijeđimo na pravno. Dakle ministar Čiĉić kad je izašao proĉitao je pravni osnov koji mu daje mogućnost da postupi na naĉin dakle da predloŹi Odluku o privremenom finansiranju, tako da ne treba niko danas tjera na ne znam neki zakonit rad, on je već postupio zakonito i dakle oni imaju potpuno pravo da predloŹe odluku o privremenom finansiranju, a evo nadam se da ĉe kolege iz Kluba Stranke demokratske akcije u narednom periodu kad se bude usvajao BudŹet inkorporirati sve ove svoje prijedloge. Dobar dio prijedloga koji su oni predloŹili i određene inicijative i Klub Stranke za Bosnu i Hercegovinu ĉe podrŹati. Ono što jeste najvaŹnije da ĉemo mi ovu Odluku koju je gospodin ministar danas predloŹio podrŹati zato što je to odluka i ustavna i zakonita, dakle potpuno legitimna i ne bi pretjerano usporavao na političkom polju usaglašavanje politika oko novog BudŹeta. Svi mi jako dobro znamo, da nije prvi put da se Odluka o privremenom finansiranju usvaja. Oni koji su ovde duŹe u Skupštini i u Vladi znaju da se to dešavalo jako ĉesto. To je zakonita procedura, moŹda ne preporuĉljiva, ali je zakonita i ja ne bih izlazio iz okvira zakona nikad, pa ni ovog put. A iz tog razloga Klub Stranke za Bosnu i Hercegovinu ĉe podrŹati Prijedlog ove odluke, odnosno zaključka. Zahvaljujem se.

**Vibor Handžić (Dopredsjedavajući)**

Hvala kolega Bandić. Zastupnik Kapidžić jel ovo prijava za diskusiju pošto ste se sada prijavili. Nije Replika okej. Zastupnik Marjanović je sljedeći. Izvolite.

**Damir Marjanović (poslanik/zastupnik)**

Ja se zahvaljujem, vrlo kratko ću. Kolega Bandić kao vrstan pravnik je priču i politiku usmjerio ka pravu, a onda ćete meni dozvoliti samo da malo usmjerimo ka određenoj logici, bez ikakve intencije da ulazimo u tu diskusiju je li opravdano, nije opravdano. Ima jedna zdrava logika i nekako je potaknuta i prijašnjom diskusijom koju sam imao već sa premijerom vezano oko dokumenta koji se zove DOB i jedna velika nejasnoća u toj cijeloj priči jedna velika nepoznanice jedna jako bitna ulazna informacija jeste o kojem novcu, o kojem iznosu, mi govorimo glede, glede onoga što će biti spušteno i onoga što možemo očekivati u ovoj cijeloj priči. Na stranu smjena vlasti, na stranu povećanje trojke, četvorke na petorku, na stranu ovo što ima određene logike, na stranu ono što smo mi doživljavali protekle 4 godine u Domu naroda, u ovoj cijeloj priči i vidjeli kako neke stvari funkcioniraju u Federaciji, nažalost tamo nismo mogli preduprijediti, evo ovdje možemo i hoćemo preduprijediti. I na stranu to nema, ne želi nikakvo opravdanje da dajem premijeru, posebno što sam ja od onih koji počesto kritikuje neke stvari, u ovom momentu moramo uzeti u obzir da mi nemamo jasnu i čistu situaciju i znam da će netko reći pa možete to riješiti kroz rebalans. Nije ozbiljno praviti neke ozbiljnije projekcije i ozbiljnije nacрте sve dok ne dobijemo, to je moj osobni stav, ulaznu informaciju o čemu govorimo, o kojem iznosu govorimo, koliko manje očekujemo sa federalnog nivoa i ja ću to dodati, nije nikakva ispravka netočnog navoda, možda mala korekcija, ja znam na što je gospodin Zahiragić mislio, ali definitivno i federalne Vlada i federalni nivo itekako mogu i utječu na Budžet Kantona Sarajevo, baš upravo pričom oko pondera. Tako da sasvim logičnim se sada čini ono što je kolega Bandić već pojasnio u pravnome, evo sada i u logičnom smislu, da u ovom momentu čak da nije bilo restrukturiranje Vlade vrlo vjerovatno bi se našli u situaciji da bi imali neko privremeno finansiranje dok ne dobijemo tu konkretnu informaciju sa federalnog nivoa kako će novo ponderisanje utjecati između ostalog direktno na Budžet Kantona Sarajevo. Hvala.

**Vibor Handžić (Dopredsjedavajući)**

Replika zastupniku Marjanoviću jel. Zastupniku Marjanoviću replika. Izvolite zastupniče Zahiragić.

**Haris Zahiragić (poslanik/zastupnik)**

Da se slažem sa kolegom Marjanovićem. Prije svega u onom dijelu u kojem kaže da će eventualno odluka, ne Vlade kolega Marjanoviću.

**Haris Zahiragić (poslanik/zastupnik)**

To se ne mogu složiti sa vama, ali razumijemo se vjerovatno mislite na Zakon o izmjeni raspodjele javnih prihoda jel, to je Federalni parlament u kojem ste i vi u prošlom mandatu učestvovali, promijenio zakon. Ali inflacija koja se desila će dovesti do toga, evo ja vam odmah kažem na neviđeno, pazite ovo, bit će veći budžet ove nego prošle godine uprkos ponderu. A ne može se koliko god uz svu dobru volju i vas i drugih kolega, vjerujem da niste zlonamjerni uopšte, ni na koji način se ne može opravdati činjenica da mi nemamo, evo što kažete ni vi okvirni iznos sredstava koji će biti u Budžetu ove godine ili da budem do kraja otvoren, nemamo Nacrta, za to služi nacrt. Dobijene su sve procjene. Ministar financija sigurno zna koliko bi otprilike se moglo očekivati. Utvrđi se, ima federalnim procjenama, Federalno ministarstvo finansija i Vlada Federacije i uredi Vlade Federacije dostavljaju te podatke ovdje. I onda jel na osnovu tih podataka se napravi nacrt i kažete vi nama, utvrđen je Nacrt, dostavili smo ga

Skupštini, ili evo nismo još. Idemo u privremeno financiranja ali znamo gdje idemo. Ovo privremeno dok se formira Vlada ako je to plan, hvatat ćemo zadnju sedmicu marta da usvojimo budžet. A do tada će proći kvartal koji će biti vrlo težak za građane. Ja mislim da ova godina treba proći u socijalnom Budžetu potpuno. To je moj lični stav, nije stav Kluba SDA cijelog, moj lični stav je to, da ovaj Budžet za 2023. godinu mora biti potpuno socijalni.

A onda kad se stabilizira, nadam se da hoće, inflacije i generalno ekonomski tokovi kako u regionu, Evropi i svijetu, tako naravno u Bosni i Hercegovini, da ćemo onda ta socijalna sredstva preusmjeravati u razvojne i kapitalne projekte. Svakako je kolega Dević kazao ti kapitalni projekti odveć vam ne idu od ruke. Hvala.

### **Vibor Handžić (Dopredsjedavajući)**

Odgovor na repliku zastupnik Marjanović.

### **Damir Marjanović (poslanik/zastupnik)**

Ma vrlo kratko u biti kolega Zahiragić između ostaloga u ovom odgovoru pokaza je da se mi slažemo u tom konceptu i uopće nemamo mi odstupanja od onoga. Dodao je još jednu jako bitnu stvar, još jednu bitnu nepoznanicu, to je ta priča oko inflacije, projekcija inflacije i svega ostaloga. Slažem se i siguran sam da Vlada, čak i u Doboju je već imala određene projekcije i zna u kojem pravcu ide i dalje mislim da možda čak možda, i ja bih zauzeo taj stav, čak i da nije bila izborna godina, čak i da se ne očekuje vlast, ne bi me iznenadilo da bi u ovim uvjetima iščekivanja pojedinih odluka, nekih na neke apelacije i tako dalje, se pribjegli privremenom finansiranju. U svakom slučaju očekujemo da će evo ovo vrijeme koje ima Vlada, ova ili neka druga imati itekako i dobro iskoristiti da kreira jedan realan Nacrt budžeta jer mnogo gora stvar koja vam se može desiti jeste da vi napravite neku aproksimaciju, neki nerealni Nacrt budžeta koji ćete poslije pokušati amandmanima ili nečim drugim korigovati, a mi znamo da, kako kažu, ako nemate dobru osnovu šta god dobro da predložite poslije sa nekim dodatnim formacijama neće vam dati neko konkretno i dobro rješenje.

### **Vibor Handžić (Dopredsjedavajući)**

To je to? Opet je nešto kontroverzno bilo u vašoj replici. Ima repliku na vašu diskusiju zastupnik Dević. Izvolite.

### **Mahir Dević (poslanik/zastupnik)**

Nije bilo ništa kontroverzno. Slažemo sa apsolutno, samo da ne bi otišla na neki način kriva slika. Znači ministarstva finansija i kantonalna i federalno su ozbiljne institucije. Oni imaju jasne podatke, pokazatelje, izračune znači mi ne govorimo ovdje o magli.

Znači već o jasnim pokazateljima podacima finansijskih tokova. Prema tome svi ti ulazni parametri postoje, simulacije postoji. I ne postoji nikakva vrsta opravdanja da mi u proceduri nismo imali ponovit ću još jednom Nacrt budžeta Kantona Sarajevo. Za prijedlog mi je jasno da neka vlast želi da implementira svoje politike, to je okej. Međutim gubimo vrijeme od 2 mjeseca. Znači svi ti pokazatelji, svi ti podaci strane Federalnog ministarstva se dostavljaju na mjesečnom nivou. Imate Izvještaj o izvršenju budžeta koji naše Ministarstvo svaki mjesec objavljuje na svojoj zvaničnoj stranici. Znači ovdje sad ispada kao nismo mi tvrdi nacrt jer se nešto ne zna. Sve se zna do u fening u kom pravcu će se to kretati i nema opravdanja zašto nije bio u proceduri Nacrt i to je naša najveća zamjerka aktuelnom premijeru i Vladi Kantona Sarajevo. A što se tiče Odluke o privremenom finansiranju ona se donosi, nije problem, mi ćemo je podržati, ali ovaj nerad se ne može tolerisati. Hvala.

**Vibor Handžić (Dopredsjedavajući)**

Dobro. Prije nego što dam riječ zastupniku Kapidžić ja sam davno još bio prijavljen za repliku zastupniku Čengiću i s obzirom da je bilo puno replika između toga i da sam ispao iz reda s obzirom da sam prešao na ovo mjesto sad ću iskoristiti pravo da repliciram svom kolegi Čengiću. Dakle ja vam kolega Čengić želim poželjeti sreću u radu u budućem periodu jer ja sam svjestan da tamo gdje ste vi proveli prethodne 4 godine da je redovna procedura donošenja budžeta bila nepoznanica, odnosno mitska pojava. Jednom se samo desilo, i to ne voljom Vlade, nego zato što je Parlament oborio hitnu proceduru da se ovaj da se budžet Federacije našao u redovnoj proceduri i tad su se, ja sam se i tad šalio tamo su službe ovaj pokazivale jedni drugima taj dokument Nacrta, nisu ljudi znali o čemu se radi, šta je to. Ovdje vam je malo drugačije, ovdje se samo jednom desilo da je Budžet usvojen po hitnom postupku, uvijek je usvajan, barem u prethodnom mandatu dok je ova Vlada bila tu, u redovnoj proceduri i ja vam evo kao kolega vaš, znamo se iz Vijeća, nudim pomoć da se da se prilagodite takvoj jednoj situaciji, ako vam bude neki problem.

Zastupniče Kapidžić izvolite.

**Faruk Kapidžić (poslanik/zastupnik)**

Zahvaljujem. Ovaj evo pošto smo došli do kraja samo bih pitao jednu formalnu stvar koja možda nije formalna ovaj a pravna je, pa vidim imamo ovdje dobrih pravnika i Zahiragić i Bandić itd. Mene interesuje pošto se ovdje radi o izvršnoj i zakonodavnoj vlasti .Izvršna vlast Vlada predlaže Zakon o privremenom finansiranju zakonodavnoj vlasti koja onda to usvaja i onda se to izvršava. E sad ovdje predlaže ministar finansija koji je u ovom slučaju izvršna vlast Skupštini. Skupština to usvaja a opet ministar finansija glasa za to. Ja vas pitam jesmo li mi izvan nekih okvira pravnih ili nismo, da li je ovo slučaj koji se nije dosad nikad desio i da li bi se po tom pitanju trebalo nešto riješiti?

**Vibor Handžić (Dopredsjedavajući)**

Jesu li oboje replike na kolegu Kapidžića? Pa ja vidim ovde zastupnika Čengića prvog na. Izvolite zastupniče Čengić.

**Irfan Čengić (poslanik/zastupnik)**

To je u skladu sa svim zakonskim procedurama a to ste mogli gledati svake godine u Parlament Federacije, Jelka i predlaže i usvaja Budžet i bude ključni glas za usvajanje federalnog budžeta, tako da to nije nikakav problem. Ministar financija je ovdje u ulozi punopravnog zastupnika koji je položio zakletvu a on obavlja u tehničkom mandatu funkciju u skladu sa Izbornim zakonom za prelazni period, tako da apsolutno ima pravo da konzumira svoje zastupničko pravo na koje je položio zakletvu i tu nema nikakve pravne sumnje, a mislim da neće ni biti potrebe za ovakvu odluku jer će biti komotna većina.

**Vibor Handžić (Dopredsjedavajući)**

Izvolite zastupniče Zahiragić.

**Haris Zahiragić (poslanik/zastupnik)**

Hvala. Kolega Kapidžić iako arhitekta moram kazati vrhunski je na dobar način prepoznao nespojivost funkcija izvršne i zakonodavne vlasti. Iako je kolega Čengić kazao tehnički, ne postoji ministar u tehničkom mandatu, formalno u Kantonu Sarajevo, no međutim činjenica jeste da s obzirom da Vlada nova nije imenovana on može obnašati ovu dužnost, osim ukoliko mu organ nadležan za utvrđivanje sukoba interesa ne kaže drugačije. Imajući u vidu činjenicu da je, ako se već poziva na više nivoa, na državnom nivou kada SDA nije bila na vlasti u koaliciji SDP-a i SNSDA promijenjen Zakon o sukobu interesa i CIK više nema takvu vrstu nadležnosti.

Želimo da vjerujemo da će ovaj put jer se gospodin Milorad Dodik kako kaže gospodin Nermin Nikšić vratio da budu onaj star Dodik, ne biste vjerovali, nadamo se da će ovaj put taj Zakon, a imajući u vidu činjenicu da je on uslov Bosne i Hercegovine po mišljenju Europske komisije onih 14 prioriteta biti usvojen pa da će se na takav način cijeliti sukob interesa. A mislim dobro vam je pitanje gospodine Kapidžiću. Tačno ali evo formalno je kolega Čengić koji vam je odgovorio iako ga niste pitali u pravu. Može biti i ministar i zastupnik, ali njih ne opravdava kolega Kapidžiću činjenica da nisu imenovali Vladu. I tu ste u pravu. Nema nikakvih blokada u Kantonu Sarajevo, postoji parlamentarna većina i postavlja se pitanje zašto se Vlada još uvijek nije imenovala. A nije se imenovala zato što pojedini ministri i premijer nisu sigurni da li će ostati ovdje u Kantonu Sarajevo i da će odavde, imajući u vidu činjenicu šta su uradili od njega, dezertirati na više nivoe vlasti. Hvala.

### **Vibor Handžić (Dopredsjedavajući)**

Odgovor na repliku, replika na vašu repliku zastupnik Čengić.

### **Irfan Čengić (poslanik/zastupnik)**

Dakle to je više ispravka krivog navoda. Za ovu situaciju se ne primjenjuje Zakon sukobu interesa ni državni ni federalni, ovo je Izborni zakon koji je izmijenjen 2018. godine kada je dozvoljeno ministrima da ostaju kada budu izabrani dok se ne formira nova Vlada. Dakle ovo je posebna situacija kada je dozvoljena nespojivost pozicija. Dakle ovdje da bi se spriječilo, da bi se omogućilo funkcionisanje izvršne vlasti. Dakle prije 2018. godine ova situacija ne bi bila moguća i zastupnik Čičić bi morao podnijeti ostavku u Vladi. I dešavalo bi se da pola Vlade ode jer su ljudi otišli u parlamente i tada je izmijenjen Izborni zakon, a ne Zakon o sukobu interesa, da se u prelaznim periodima to omogući. To što smo dobili situaciju da parlamentarna većina na primjer u Federaciji 4 godine nije formirala Vladu pa smo imali 4 godine situaciju, evo i naš kolega ovdje zastupnik je i ministar bio u federalnoj Vladi i zastupnik s nama ovdje. Dakle to je problem te parlamentarne većine. Zastupnik Čičić u ovom slučaju uopšte se ne tretira Zakonom o sukobu interesa već izbornim zakonom. A Zakon o sukobu interesa je puno veći problem koji ćemo imati nakon 1. januara kada stupi ovaj kantonalni zakon, ali to ne želim da sada diskutujem.

### **Vibor Handžić (Dopredsjedavajući)**

Ja mislim da smo mi konstatovali da je na pitanja zastupnika Kapidžić odgovoreno da nema prepreka da Davor Čičić bude i ministar i zastupnik, tako da ja ne bih ulazio u genezu kako je došlo do toga da on može biti i jedno i drugo, tako da ćemo te replike preskočiti. Kolega Bandiću jel isto replika ili? Replika, zastupnik Bandić.

### **Muamer Bandić (poslanik/zastupnik)**

Pa nije replika evo samo možda uputstvo pošto se i on nalazi na državnom nivou ovaj i pošto obnaša gore neku funkciju i pošto je pitao za kolegu Čičića ovaj postoji Komisija za utvrđivanje sukoba interesa na državnom nivou i može podnijeti zahtjev za utvrđivanje tog sukoba interesa. Mislim da je ona sastavljena i od zastupnika parlamentarnih i i evo to bi mu bila možda prava adresa za odgovor na ovo pitanje. A što se tiče dakle sukoba interesa zastupnika i ministra Čičića dakle on u ovom momentu nema taj sukob.

### **Vibor Handžić (Dopredsjedavajući)**

Ja bih volio da ne idemo više u ovom pravcu, zaista.

Hajde, izvolite replika zastupniče Čengić.



### **Irfan Čengić (poslanik/zastupnik)**

Ovdje se uporno miješaju dvije stvari: sukob interesa i nespojivost pozicija. Dakle nespojivost pozicija po federalnom zakonu član 4 i dalje Centralna izborna komisija provodi. Dakle ovdje ima kolega koji jesu na nespojivim pozicijama ali ne želim o njima da govorim i ukoliko ih neko prijavi Centralnoj izbornoj komisiji, Centralna izborna komisija će im uzeti mandat po federalnom Zakonu o sukob interesa. Evo kolegici Jeleni bi oduzeli mandat nije u roku 3 dana dala ostavku za Direkciju robnih rezervi. Neki drugi nisu ovdje dali po ostavke na svoje pozicije u izvršnoj vlasti na drugim nivoima, o tome neka Centralna izborna komisija utvrđuje. Dakle nemojte miješati sukob interesa i nespojivost pozicija, to nisu isti pojmovi. Nespojivost pozicija po federalnom zakonu i dalje Centralna izborna komisija uzima mandate. Zastupnik Čičić niti je u sukobu interesa, niti je u nespojivoj poziciji i ima pravo da glasa o svim tačkama na Skupštini Kantona u skladu sa Izbornim zakonom.

### **Vibor Handžić (Dopredsjedavajući)**

Zastupnik Čampara, replika jel? Izvolite.

### **Aljoša Čampara (poslanik/zastupnik)**

Možda prije neka poslovnička intervencija nego replika na način da vidim da mnogi zastupnici komentarišu neke stvari a nisu ih čak ni pročitali, niti imaju želju čak da ih pročitaju, ali evo evidentno je to kod nas neka pojava. Dakle raspravljamo o stvarima koje su potpuno definisane zakonom. Dakle mi svi ovdje zastupnici i na kantonalnom i na federalnom i na državnom nivou izabrani smo u skladu sa Izbornim zakonom Bosne i Hercegovine koji u potpunosti tačno precizira ova pitanja kada je neko izabran a obnaša funkciju ministra tačno postoji član Zakona u Izbornom zakonu koji to pitanje apsolutno rješava. Mislim da nema potrebe da gubimo vrijeme ovaj na takve stvari. Ne radi se ovdje ni o kakvom sukobu interesa nego se radi o član koji tretira se u Izbornom ovaj zakonu. I ne vidim stvarnog razloga da gubimo vrijeme i vas predsjedavajući molim i predsjedavajućeg Okerića da se fokusiramo na tačke dnevnog reda, a ne da se ovdje bavimo nekim politikanstvima ili da neki zastupnik nekom zastupniku odgovara na neka pitanja koja su potpuno uređena zakonom. Dakle ako ga interesuje nek uzme nek pročita zakon i vrlo jednostavno i brzo ćemo iz svega ovoga izaći. Nemojte da gubimo vrijeme imamo vjerovatno važnijih poslova i još tačaka na dnevnom redu. Hvala.

### **Vibor Handžić (Dopredsjedavajući)**

Slazem se ja s vama sto posto. Izvolite kolega Zahiragiću.

### **Haris Zahiragić (poslanik/zastupnik)**

Da vam, dakle kolega Kapidžić je govorio o sukobu interesa. On ne mora znati, nije o Izbornom zakonu kako kaže Bandić ne moramo on znati i nije njegovo da zna, niti bilo kojeg zastupnika kada zna sve propise. Ja ipak da vam kažem na kraju da je gospodin Kapidžić Faruk zvani Dia bio malo ciničan pa ukazao na taj fenomen. Što je de facto problem ako ne ide Jure, ali je napravio jednu suštinsku grešku. Pitao je dva pravnika, kaže dobra, prije svih je naveo gospodina Bandića i mene, a nije gospodina Čamparu koji je također pravnik, osim toga ekspert svojevrstni za duple funkcije. Tako da možda je to jedina greška vašeg.

### **Vibor Handžić (Dopredsjedavajući)**

Nemojte kolega Zahiragiću molim vas. Završavam s diskusijom. Nemojte molim vas, evo ukinuo sam kolegu Zahiragića, replika zastupnik Čampara.

### **Aljoša Čampara (poslanik/zastupnik)**

Zahvaljujem. Pa ja mislim gospodine Zahiragiću da ste vi sigurno bolji pravnik od mene, vi imate dugogodišnje iskustvo, radili ste na jako puno poslova pravničkih, rukovodili ste u institucijama, u agencijama, u ministarstvima iza vas stoji veliki broj poslova koje ste obnašali i obavljali i ja mislim s pravom se ljudi pozivaju na vas da čuju vaše pravničko mišljenje. Tako da ću vjerovatno i ja ubuduće od vas tražiti da nam objasnite neke pravne stvari.

Ali bojim se da ste danas najmanje o pravu pričali. Najmanje o pravu. Hvala.

### **Vibor Handžić (Dopredsjedavajući)**

Zaključujem raspravu naravno.

*Molim zastupnike da pristupe izjašnjavanju o Prijedlog odluke o privremenom finansiranju potreba Kantona Sarajevo za period od 01.01. do 31.3. 2023. godine.*

Izvolite glasati. Mogu rezultati.

Za je glasao 31 zastupnik, protiv i suzdržanih nije bilo.

*Konstatujem da je Skupština donijela ovu odluku.*

Prelazimo na tačku 3

#### **AD-3.**

### **PRIJEDLOG ODLUKE O DAVANJU SAGLASNOST NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO ZA PERIOD 1. 1. 2023. GODINE DO 31. 3. 2023. GODINE**

Materijal ste dobili u dopunskom materijalu. Molim predstavnika Predlagača da podnese uvodne napomene. Ima li potrebe? Nema potrebe. Da li predstavnici radnih tijela žele riječ? Ne žele. Ima li pitanja? Otvaram raspravu.

Niko se ne javlja za riječ. Zaključujem raspravu.

*Molim zastupnike da pristupe izjašnjavanju o Prijedlog odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.2023. godine do 31. 3.2023. godine.*

Možete glasati. Mogu rezultati.

Za glasao za glasalo 32 zastupnika, protiv i suzdržanih nije bilo.

*Konstatujem da je Skupština Kantona Sarajevo donijela ovu odluku.*

Tačka četiri

#### **AD-4.**

### **PRIJEDLOG ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JAVNE USTANOVE SLUŽBA ZA ZAPOŠLJAVANJE KANTONA SARAJEVO- SARAJEVO ZA PERIOD 01.01.2023. GODINE DO 31. 3. 2023. GODINE**

Materijal ste dobili u dopunsko materijalu. Ima li potrebe za uvodno izlaganje? Nema. Predstavnica radnih tijela da li žele riječ? Ne žele. Ima li pitanja? Nema. Otvaram raspravu. Nema prijavljenih za raspravu, zaključujem raspravu.

*Molim zastupnike da pristupe izjašnjavanju o Prijedlog odluke o davanju saglasnosti na Odluku o privremenom finansiranju potreba Javne ustanove Služba za zapošljavanje Kantona Sarajevo-Sarajevo za period 1. 1. 2023. godine do 31. 3. 2023. godine.*

Možete glasati. Mogu rezultati?

Za glasalo 32 zastupnika, protiv i suzdržanih nije bilo.

*Konstatujem da Skupština Kantona Sarajevo donijelo ovu odluku.*

Tačka 5.

**AD-5.**

**PRIJEDLOG ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO**

Materijal ste dobili u dopunskom materijalu.

Molim predsjedavajućeg Komisije za izbor i imenovanja i administrativna pitanja Skupštine Kantona Sarajevo Elvedina Okerića da podnese uvodne napomene.

**Elvedin Okerić (Predsjedavajući)**

Komisija za izbor i imenovanja i administrativna pitanja Skupštine Kantona Sarajevo je na sjednici održanoj dana 23. 12. 2022.godine u skladu sa članom 37 Poslovnika Skupštine Kantona Sarajevo utvrdila je Prijedlog odluke o izboru predsjedavajućeg, zamjenika predsjedavajućeg, članova stalnih radnih tijela Skupštine Kantona Sarajevo koji vam je dostavljen na razmatranje i izjašnjenje.

**Vibor Handžić (Dopredsjedavajući)**

Zahvaljujem na uvodnom izlaganju. Da li predstavnici radnih tijela žale riječ?

Kolega Zahiragić je li ispred radnog tijela ili.

Dobro ima, ima još uvijek Komisija za izbor i imenovanja koja je formirana ako neko želi. Pitanja? Ovo su sve diskusije jel? Onda zaključujem pitanja i otvaram raspravu. Izvolite kolega Zahiragiću.

Pa pitao sam vas. Ajte izvolite postavite pitanje. Kolega Dević. Izvolite.

**Mahir Dević (poslanik/zastupnik)**

Hvala. Prvo pitanje je zamolio bih predlagače da nam da odgovor zašto niko od evo nominalno kazano, uslovno rečeno, od opozicionih zastupnika nije predložen za Komisiju za sigurnost. Znači komisije broje sasvim dovoljan broj članova da bi bilo potpuno normalno jel da jedan od članova te Komisije bude neko od opozicionih zastupnika. Drugo pitanje je kako to da se vanjski članovi komisija koje su pripale Stranci demokratske akcije nalazi u pravilu u onim manje važnim komisijama, kao što je, ne znam, evo u konkretnoj situaciji, i da se ti članovi šta više duplaju znači. A komisije kao što su neke koje se češće sastaje Komisija za mlade, Komisija za sport itd tu SDA kao stranka koja je pobjednica na ovim izborima u Kantonu nema svojih vanjskih članova, barem po jednog, a na nekim drugim mjestima se duplaju, pa ako može predsjedavajući da mi ovaj odgovori na ta dva pitanja. Naravno više ću kazati kroz diskusiju.

**Elvedin Okerić (Predsjedavajući)**

S obzirom da nema, ima li još pitanja? Nema. Svi predstavnici klubova Skupštine Kantona Sarajevo imali su sastanak gdje su pogledali prijedloge članova komisija, 19 komisija i niko mimo nije imao nikakvu posebnu primjedbu. Kolega Dević je jednoglasno ovaj s nama taj prijedlog prihvatio uz ove sugestije koje je i kazao ovdje. Nema ništa sporno, ne kršimo ovaj Poslovnik. Trudili smo se da zastupnice i zastupnike u Skupštini Kantona Sarajevo rasporedimo u skladu sa njihovom strukom, u skladu sa njihovim zvanjima i onim s čim oni žele da se bave u Skupštini Kantona Sarajevo naredne 4 godine i zaista niti jedan predstavnik kluba nije imao ovakvu vrstu primjedbe, čak ni opozicija, ni pozicija, osim kolege Devića koji je evo sugerisao i ovdje. Međutim nema ništa sporno u ovome što je kazao. Potrudili smo se da u najvećoj mogućoj mjeri zadovoljimo sve želje klubova i to smo uradili.

Evo nezadovoljstvo odgovorom. Izvolite.

### **Mahir Dević (poslanik/zastupnik)**

Hvala predsjedavajući. Radi javnosti ja ne znam da li ste vi čuli sebe šta ste kazali. Kazali ste da nije imao niko primjedbi pa je onda imamo kolege Dević. Kolega Dević je tu bio kao šef kluba prisutan i kolega Dević je ovo sve što vas je sada pitao diskutovati tako i na međustranačkom sastanku, odnosno na Komisiji za izbor i imenovanje i što više glasao znate kako. Nije dao podršku već je bio protiv. Jel tako? To može potvrdi evo i sekretar Skupštine. Tako nemojte da takva vrsta informacije ide u javnost kada to nije tako. Evo ja ću zamoliti sekretara Skupštine da kaže kako je kolega Dević glasao na sjednici Komisije za izbor i imenovanje? Jel dao podršku za ili je bio suzdržan ili protiv? Šta je bilo? Ja ne znam da li ste se čuli šta ste rekli jer vi ste u jednom momentu rekli da smo mi to svi prihvatili, a nije tako. Ja ću u diskusiji jedan dio stvari, jedan dio procesa koji ste vi vodili svakako pohvaliti u smislu a sastanaka, ali suštinska pitanja koja sam postavio tada i evo i sada i nisam dao ovaj podršku ovakvom sastavu komisija. I rekao sam vam da neću. Tako da nemojte da ide informacija u javnost da smo mi kao dali saglasnost za to kad nije tako.

### **Elvedin Okerić (Predsjedavajući)**

Hvala kolega Deviću. Pretpostavljam da su ovo sve prijave za raspravu. Otvaram raspravu. Zastupnik Haris Zahiragić.

### **Haris Zahiragić (poslanik/zastupnik)**

Hvala predsjedavajući. Pazite, kolega Dević je postavio pitanje vi ste mu odgovorili vrlo, onako niste mu ni odgovorili ustvari. Rekla da to što je on pitao nije zapravo bitno.

Ja vas kolega Okeriću poznajem dugo godina i privatno smo neko vrijeme bili, čak ja ću se usuditi reći prijatelji, ne znam da li se vi slažete s tim, možda je to moje subjektivno, možda je obostrano bilo i tako. Ja znam da ste vi završili kriminalistiku i da vam je jedan od fokusa rada, jedna od želja bila da ste vi prije politike ostvarite kao policijski službenik, da date svoj doprinos u izgradnji, borbi protiv kriminala, korupcije itd. To je vaša nedosanjana ambicija, vjerovatno zbog činjenice da je nažalost u nekim periodima se to na neki način s kojim se mi nismo slagali rješavalo. Ta vaša frustracija ili ambicija koja u pozitivnom smislu frustracija je rezultirala time da ste vi već 8 godina predsjednik, slažete li se, jel govorim istinu, predsjednik Komisije za sigurnost. Vi ste, jeste u mandatu kada je bio ispred SDA je bio, i u ovom prošlom je bio predsjednik Komisije za sigurnost. S tim u vezi ja znam da je ta komisija vaše sredstvo za, pa evo vi ćete vjerovatno reći popravljanje stanja u oblasti sigurnosti, ja ću reći za kontrolu i petljanje u posao policije, što ne mora nužno značiti da je loše. Sigurno je u nekim fazama bilo i dobro. Međutim postavlja se pitanje kako to da evo drugi mandat, a ovaj posebno pošto smo tek krenuli, u jednom demokratskom društvu kakav Kanton Sarajevo treba da bude, može da, to je najvažnija Komisija Kantona Sarajevo zato što ona ima jedina kada je u pitanju rad same Skupštine nije najvažnija, al kad je u pitanju odnos spram sigurnosti građana koji je vrlo bitna tema, ona ima čak i određene nadležnosti kada je u pitanju komunikacija s Upravom policije koja je nezavisna itd. Mene zanima kako to da ponovno niko iz opozicije, barem sa jednim članom, ne bude u toj Komisiji? Praksa u demokratskim društvima koji su daleko razvijeniji od nas je da na čelu te Komisije bude neko iz opozicije. Na čelu. Da većinu u toj Komisiji ima opozicija. Zašto? Jer pozicije kroz ministra ima svu moguću kontrolu te vrlo, vrlo osjetljive i značajne oblasti.

Na žalost od 6 članova čini mi se niko nema iz opozicionih ni iz DF-a iz SDA, ima čini mi se NIP-a, iz Naše stranke, iz SDP-a i stranke za BiH to neka nova je parlamentarna većina. Ja ne znam zašto čuvate to mjesto predsjednika Komisije? Zašto čuvate većinu u toj Komisiji? Ali evo želite da imate izvršnu vlast i tu Komisiju kao produženu ruku zakonodavne vlasti u odnosu

spram policije. A da li stvarno vi nešto tamo krijete da niko od nas u toj Komisiji ne može biti? Mi smo zastupnici koji, ja sam lično dobio 12,5 hiljada glasova. Te moje glasače, a i druge građane koje sam ja dužna zastupati zanima se dešava u sigurnosti. Na svakoj sjednici Skupštine kada su bili izvještaji Uprave policije mi smo pokušavali raznim pitanjima dobiti informacije nismo ih dobivali. Ja sam lično kada niko nije ovdje javno govorio o kriminalnim organizacijama u Kantonu Sarajevo, narko dilerima. Danas mnogi govore kada je to došlo u neku tačku, hrabro, presretali me na ulici, poručivali mi da skratim jezik. Ja sam ne bojim nikoga osim dragog Boga, pogotovo ne kriminalaca, tako da hoću vam reći da radi efikasnosti rada te Komisije, osim ako nešto krijete predsjedavajući Okeriću u toj komisiji, osim ako imate neke namjere, ja ne želim da vjerujem da imate, vi ste častan čovjek i ja vjerujem da su vaše namjere časne. A to ćete potvrdi tako što ćete prihvatiti da jedan član opozicije bude u komisiji. Ne većina, ne predsjedavajući samo jedan da i mi kao opozicija imamo uvid u rad Uprave policije, u rad sigurnosnih struktura u Kantonu Sarajevo jer je to vrlo značajno parlamentarno pitanje. Da ne kažem da bi svaka stranka imala po jednog zastupnika. Okej, to vaš dogovor vaš izbor. Al mi insistiramo da bude neko iz Stranke demokratske akcije, barem 1 član i mislimo pred javnosti, evo vas pozivam, pred policijskim službenicima koji prate moj rad i cijene, možete ih to pitati, kad god me zaustave na ulici mnogih od njih mi to i kažu. Možete li mi dati jedan racionalan odgovor, ako ga date ja ću prihvatiti zašto niko iz SDA ne može biti barem 1 član te komisije. A ja želim da vjerujem ipak da ćete pronaći svoj demokratske kapacitete, da ćete razumjeti da je to vrlo osjetljiva oblast u kojoj treba opozicija da ima također uvid u sve šta ta Komisija radi i da ćete a zarad dugoročno dobrih odnosa u ovoj Skupštini dokinuti onu raniju praksu da nekad možemo ovakav način nešto i na samoj sjednici Skupštine promijeniti. Vas pozivam da tražim i pozivamo vas da uvažite naš prijedlog i da za člana Komisije za sigurnost dodate nekoga iz SDA na prijedlog šefa kluba i mi ćemo možda tako nešto i prihvatiti. Hvala vam.

### **Elvedin Okerić (Predsjedavajući)**

Zastupnik Dević replika. Kome replicirate?

### **Mahir Dević (poslanik/zastupnik)**

Koristim to kao poslovničku mogućnost da dopunim ovo samo što je on kazao jer nemam drugog rješenja, do diskusije ću izgubiti nit ovoga ali ovo govorim radi kolega u Skupštini i radi javnost. Znači ja sam na tim međustranačkim razgovorima sasvim otvoreno kazao u prisustvu i kolege Bandića koji je bio na komisiji za izbor imenovanja, sekretara, predsjednika Komisije Okerića da razumijem da parlamentarna većina treba imati većinu ljudi u komisijama i da mi je to OK, pa da razumijem i da te neke važne komisije, pod navodnim znacima, te vanjske članove želi da nagradi svoje ljude. I ponudio sam jedan kompromis koji je glasio ovako: dajte jednog člana nekom iz reda zastupnika u toj komisiji, da li meni da li kolegi ovaj Zahiragiću, evo nije važno, mi ćemo dati podršku komisijama ako to uradite. Znači to je bio naš prijedlog koji je bio sasvim korektan da bismo dali podršku komisijama. Predsjedavajući Okerić je tu ovaj mogućnost odbio i ja sam tada na Komisiji za izbor imenovanja rekao da mi takvom onda prijedlogu nećemo dati podršku, da možemo razumjeti i ovo da su naši vanjski članovi negdje ovaj u nekim manje važnim Komisijama, ali da nemamo jednog člana u toj komisiji to je za nas neprihvatljivo i kao takav prijedlog da nećemo podržati. Ukoliko postoji demokratski kapacitet unutar ove nove vladajuće većine u Skupštini Kantona Sarajevo da ovo uvaži kao jedan argument koji je zaista neoboriv. Govorimo o jednom član koji nije ni blizu većini. Mi smo kao Klub, govorim o Klubu Stranke demokratske akcije spremni to podržati. Ukoliko vi to eksplicitno ne date, ne želite, želite da to bude neka autokratija itd, a ne demokratija, mi onda ne možemo dati tu podršku, iako se može naravno ovaj pozdraviti taj neki vid sastanaka i komunikacija, međutim ovo je bila neka da tako je nazovem, crvena linija, za

našu podršku prema ovim komisijama. Ako ste spremni da to uradimo sada amandmanski mi ćemo dati podršku komisijama, ako niste mi to ovaj ne možemo podržati uz neke evo i druge ovaj zamjerke koje su manje važne od ove.

**Elvedin Okerić (Predsjedavajući)**

Zahvaljujemo se zastupniku Deviću. Zastupnik Faruk Kapidžić.

**Faruk Kapidžić (poslanik/zastupnik)**

Zahvaljujem predsjedavajući. Evo ovaj ja ću dati još 1 razlog zašto neću podržat, ma da nije tako bitan, ali možda je suštinski. Dakle tek sad spoznajem ove komisije, tako osvanuo sam u 3 komisije. Nisam ja znao da da to tako ide i dobro za urbanizam i za boračka pitanja ima smisla, i to je okej, ali u Komisiji za jednakopravnost spolova je, molim vas slušajte ovo: Vildana, Jelena, Smiljana, Emina, Sara, Zejneba i Faruk. Je li ima smisla naziv Komisija za jednakopravnost spolova i da bude ovaj odnos. Ljudi, ja vam, ja zahtijevam da me izbacite iz ove Komisije, stavite još jednu damu i bit će prava jednakopravnost spolova, bit će jednaki i spol a ovaj a ako to se ne može tako onda ja neću dolaziti jer vjerujte mi nije baš ovo realno što sam vidio.

**Elvedin Okerić (Predsjedavajući)**

Šef kluba, Mahir Dević vas je predložio u tu komisiju, čak je insistirao da budete tu. Ne znam zbog čega, pitajte njega.

Zastupnik Aljoša Čampara.

Ispravka krivog navoda zastupnik Dević.

**Mahir Dević (poslanik/zastupnik)**

Nemojte predsjedavajući, mislim da koristim riječ za dezavuirati javnost, da sam ja insistirao da bude. Pa evo sekretar Skupštine je tu, imaju ljudi na komisiji.

**Elvedin Okerić (Predsjedavajući)**

Hoćete li dalje da govorim koga ste pozvali? Bolje nemojte dalje da govorim.

**Mahir Dević (poslanik/zastupnik)**

Vidite jednu stvar, ja ne znam što je vama cilj danas ovdje, ali dezavuirate, a već po drugi put ovo radite na način da kažete da se ja dao saglasnost tome. Znači ja sam došao na sastanak na kome ste vi već bili sve pripremili.

Sve pripremili poimenično gdje je ko u kojoj komisiji.

I ostala je opcija da mi nešto interno između sebe promijenimo.

I bilo je nekih izmjena. Ovo što je kolega rekao, on je vam rekao nešto potpuno drugo, ako sam ga ja dobro razumio.

Da su tamo muškarci ustvari manjina, to vam je kazao.

Možda ga niste razumjeli šta je rekao. On je rekao da prihvata to. Nije to uopšte sporno, može i neko drugi biti ovaj u toj. Međutim on je rekao ako je Komisija za ravnopravnost spolova valjda bi ta ravnopravnost spolova trebala biti jednako zastupljena u toj Komisiji a ne da čovjek bude tamo sam. To je rekao, ako niste razumjeli, a nemojte molim vas ovaj dezavuirati javnost po drugi put za nešto što nije tako bilo. Ja nisam insistirao. Da li sam se načelno složio, da, ali da sam insistirao, ne.

**Elvedin Okerić (Predsjedavajući)**

Replika zastupnica Vildana Bešlija.

### **Vildana Bešlija (poslanik/zastupnik)**

Kao neko kome je tema jednakopravnost spolova jako važna i poznata, a i kolege ako vas zanima evo ja ću sačekati da ovaj da imamo malo tišine, ova tema se ne tiče samo jedne komisije, ova tema se tiče cjelokupnog načina i rada Skupštine. Ja sam djelomično mogu složiti ovdje sa kolegom i zaista mi je žao zašto nemamo više muškaraca u ovoj Komisiji, ali isto tako i žena u Komisiji za sigurnost i drugim komisijama jer je to princip koji se trebamo voditi i naravno znam da su već neke pokrenute ovaj stvari po pitanju izmjene Poslovnika i naravno da ću lično zastupati ovaj takav princip i mislim da bi Skupština trebala biti otvorena ka tome. Nadam se da će izmjene biti usvojene i da ćemo tada po tom principu da imamo jednako zastupljene i muškarce žene u svim komisijama zajedno podržati kao Skupština. Hvala vam.

### **Elvedin Okerić (Predsjedavajući)**

Zastupnik Aljoša Čampara.

### **Aljoša Čampara (poslanik/zastupnik)**

Zahvaljujem predsjedavajući. Evo prije nego što pređem u potpunosti na diskusiju ako je možda kolegi zastupniku Kapidžiću neugodno da bude u toj Komisiji evo stvarno ja se nudim da ga zamijenim ako postoji kakva mogućnost. Meni bi bilo čast stvarno da bude sa toliko dama u jednoj komisiji.

Moramo biti ono džender senzitivni. Ali evo da se vratim na na glavnu temu ovih komisija. Ja nisam bio član ove Komisije za izbor, stvarno nisam učestvovalo ni na koji način u sastavljanju i kreiran članova svih komisija. Mislim da su komisije bitne u jednom parlamentarnom tijelu. Sada zavisi od samog Poslovnika kako je kreirana važnost koje komisije. Na primjer u državnom parlamentu imate komisije koje su mnogo bitnije nego u odnosu na druge na druga parlamentarna tijela jer nešto što ne prođe na komisiji ne može doći na sjednicu samoga parlamenta. Ali evo nisam stvarno znao ovaj za ovaj sveukupni sasta komisija i kako su se ljudi raspoređivali u komisijama, ali evo prije nego što kažem par riječi bitno je ovdje napomenuti da smo mi je li parlamentarna većina, da je potpisala sporazum je li o obnašanju vlasti ili o stvaranju novih parlamentarnih većina i na državnom nivou i na federalnom i tako i na Kantonalnom. Tako da se može iščitati iz tih sporazuma koje stranke to u suštini čine, tako da Kantonu Sarajevo parlamentarna većinu će činiti one stranke koje su dosad bile u vlasti plus proširena za Stranku za BiH. To se vidi iz samih naših sporazuma, tako da možemo ovdje reći konkretno da u Kantonu Sarajevo opoziciju će činiti SDA i DF.

E sada kod formiranja tih svih komisija ja mislim da se trebalo voditi računa o sastavu svih tih komisija, odnosno o odnosu jel parlamentarne većine i opozicije. Ja se u potpunosti mogu složiti sa kolegom zastupnikom Mahirom Devićem, da nije primjereno, dakle nije demokratski, nije parlamentarno da neko ko je iz opozicije, ko čini opoziciju, ne bude član barem jedne od ovih komisija. Ako hoćete da sada gradiramo neke komisije koje su važnije i koje su manje važne, ne bi ulazio u to, ali evo spomenuta je Komisija za sigurnost. Dakle ne mislim da neko mora iz SDA biti iz opozicije član, može to biti neko iz DF-a ili potpuno svejedno. Ali mislim da nije dobro radio demokratije, radi transparentnosti, radi odnosa prema javnosti da nema niko iz opozicije u toj jednoj komisiji. Posebno sa aspekta evo kad govorimo o sigurnosti, posebno sa aspekta kad govorimo o vladavini prava, o vladavini zakona, puno su nam usta uvijek ovaj vladavine prava i vladavine zakona, vladavine demokratije, mi stremimo ka euroatlanskim integracijama i bojim se da to nije dobra praksa za ubuduće. Ne bih ni ja volio da budem opoziciona stranka a da me nema u nekoj od komisija. Mislim da to nije dobro, da to nije dobar primjer, ne znam može li se sada to promijeniti, jesmo li daleko otišli ovaj od toga. Na primjer u Parlamentarnoj skupštini Bosne i Hercegovine imate propisano komisija koja se bavi nadzorom nad radom Obavještajno sigurnosne agencije tamo mora biti predsjedavajući komisije neko ko je iz opozicije. Tako da moramo voditi računa, nemojte da pravimo neke

presedane koji nisu dobri, koji nisu u skladu sa demokratskim duhom. Ne vidim nikakvog razloga da neko iz opozicije ne bude u bilo kojoj komisiji. Naravno da ja razumijem da parlamentarna većina treba da ima većinu i u komisijama, to je sasvim legitimno, legalno, ali mislim da nije dobro da nemamo nikoga iz opozicije u nekim komisijama. Ne znam kakav je raspored bio, nisam bio dio toga, ali evo da pokušam možda ove stvari malo ovaj poravnati.

**Elvedin Okerić (Predsjedavajući)**

Hvala kolega Čampara. Zastupnik Muamer Bandić.

Replika, replika zastupnika Zahiragića.

**Haris Zahiragić (poslanik/zastupnik)**

Zahvaljuje predsjedavajući.

Zahvaljujem se kolegi Čampari na diskusiji koja je bila na tragu diskusijama mene i kolege Devića zato što je on otišao još korak dalje. Istina, predsjednik državne Komisije za sigurnost e gospodin Nermin Nikšić u prošlom mandatu bio.

U entitetskoj ili federalnoj Komisiji za sigurnost predsjednik Komisije za sigurnost je gospodin Damir Mašić iz opozicije.

**Elvedin Okerić (Predsjedavajući)**

Ispravka krivog navoda. Ispravka krivog navoda zastupnik Aljoša Čampara.

**Aljoša Čampara (poslanik/zastupnik)**

Dakle ne radi se o Komisiji za sigurnost na državnom nivou mislim da se ona tačno zove Komisija za nadzor nad radom Obavještajno sigurnosne agencije.

**Elvedin Okerić (Predsjedavajući)**

Nastavite zastupniče Zahiragić.

**Haris Zahiragić (poslanik/zastupnik)**

Jeste, upravo ste, zove se Komisija za nadzor nad radom. Nije pas nego cuko. Na entitetskom nivou komisija koja se bavi nadzorom sigurnosti policijskih agencija na njenom čelu u Predstavničkom domu Parlamenta Federacije je Damir Mašić ispred SDP-a kao opozicioni zastupnik bio. Dakle praksa ili propis na državnom nivou je propis, na entitetskom praksa. Čak u entitetu RS e ista situacija. U svim demokratskim državama predsjednik komisije mora biti opozicija jer kroz izvršnu vlast - vlast i imenuje i postavlja i kontroliše procese u toj oblasti.

Ponavljam predsjedavajući pošto ja znam da je kad već se govori šta se dešavalo na tim sastancima i gospodin Bandić bio saglasan sa prijedlogom kolege Devića da se neko iz opozicije nađe u toj Komisiji. Evo vidim da je i kolega Čampara. Dakle evidentno samo vi niste. Ja sam rekao zašto niste jer sam u uvodnim diskusijama vaše motive bavljenja tom oblasti definisao i nadam se, rekao sam na kraju da, ja od vas očekujem da vi to lično ovaj akceptirate kao predsjedavajući Skupštine i predsjedavajući te Komisije da će vama biti lakše i bolje u radu i da ćete ove neke interne sukobe koji se dešavaju evidentno, to se još jedanput potvrđuje u toj oblasti, da će vam biti lakše raditi ukoliko budete imali nekoga od nas u toj komisiji. Ja vas pozivam da budete demokrata ipak i da u tu Komisiju koja je vrlo osjetljiva, ipak involvirate nekoga iz opozicije.

**Elvedin Okerić (Predsjedavajući)**

Zastupnik Kemal Ademović se javio za riječ. A oprostite. Oprostite, prvo zastupnik Muamer Bandić nam je pa onda zastupnike Kemal Ademović. Zastupnik Muamer Bandić.



### **Muamer Bandić (poslanik/zastupnik)**

Hvala predsjedavajući. Evo u svojoj diskusiji kolega Zahiragić i kolega Divić osvrnuli su se na samu proceduru predlaganja izbora komisija.

Mislim da trebamo razdvojiti ovaj dio koji se odnosi na obavještajnu službu na državnom nivou jer to propisano zakonom na koji način se uređuje ta komisija. Što se tiče komisija u Skupštini kantona dakle to nije propisano zakonom već je u sferi političkog dogovora. U tom političkom dogovoru sudjelovao i kolega Dević i on je zaista, bila je jedna pozitivna atmosfera evo da kažemo. Jedini dogovor, odnosno prijedlog koji on dao a to je bilo baš Komisija za sigurnost, nije dobio potrebnu većinu. Tako da nije bio samo kolega Okerić protiv tog prijedloga. Ja sam također smatrao da bi bilo dobro jer Poslovnik ne dijeli na poziciju i opoziciju podjelu tih komisija, da iz jedne stranke ne bude više prijedloga u bilo kojoj komisiji. I ne smatram neku komisiju posebno važnom a neku manje važnom. Kolega Dević je zaista imao priliku i bio je involviran da predloži sve ono što što je on ispred svog Kluba donio na taj sastanak. Čak mislim a vjerovatno i vi predsjedavajući se sjećate da smo mi to na Komisiji za izbor imenovanje dakle donijeli, ne jednoglasno, dakle samo je kolega Dević bio protiv te odluke, ali je bio protiv odluke u dijelu koji se odnosi na Komisiju za sigurnost. Tako što se tiče ovog dijela za gospodina Kapidžića u Komisiji u kojoj se nalazi, on predložen od strane Kluba, odnosno šefa Kluba Mahira Devića i niko nije obraćao posebnu pažnju na zastupljenost evo da kažem zastupnika ili zastupnica u toj komisiji.

Ja sam također stava i dalje, ali ne slažem sa kolegom Zahiragićem da nešto se zastupnicima može sakriti u toj komisiji. Dakle evo ja ću biti u toj Komisiji i sigurno može dobiti bilo koju informaciju koja bude predmetom rada te Komisije i neće mu ništa biti uskraćeno jer ni jednom zastupniku to ne bi smjelo biti uskraćeno. Svi imamo podjednaka prava koji su nam građani poklonili. Ali ipak evo i kolega Čampara je u tom pravcu vodio svoju diskusiju da bi bilo dobro da razmislimo i ukoliko postoji mogućnost da postignemo politički dogovor oko te Komisije za sigurnost. U formalnom smislu pravno su ispunjeni svi uslovi, kolega Okerić ništa nije pogriješio, čak je jako dobro vodio tu sjednicu. Ali evo, ako postoji neka mogućnost da iznađemo rješenje kako bi ovu odluku donijeli jednoglasno, ja bih bio zadovoljan. Hvala.

### **Elvedin Okerić (Predsjedavajući)**

Zahvaljujemo se zastupniku Bandiću. Zastupnik Kemal Ademović, izvolite imate riječ.

### **Kemal Ademović (poslanik/zastupnik)**

Hvala. Prije svega, kad su u pitanju stalna radna tijela, želim da kažem da zastupljenost i transparentnost rada kad su u pitanju ova radna tijela ogleda se u Komisiji za izbor imenovanja i administrativna pitanja. Dakle za koje sam sugerisao predsjedavajućem Okeriću da budu zastupljene sve parlamentarne stranke koje participiraju u Skupštini Kantona Sarajevo. Tako je mislim i u prošlosti bilo, dakle jer ta Komisija vrši imenovanja, ta komisija ima informacije o svemu dakle i predlaže imenovanje i Vlade i ovih komisija, pravobranioca itd itd. I to je vrlo korektno urađen. Dakle ostale komisije, vidim koplja se lome oko Komisije za sigurnost pa ću samo radi podsjećanja, iako neki od mlađih kolega ne moraju imati te informacije, dati nekoliko informacija. 2010. godine sam prvi put sjeo u skupštinske klupe ovde u mandatu 2010 -2014 i bio sam na poziciji zamjenika predsjedavajućeg. Ustanovio sam u ovom Poslovniku da nema uopšte Komisija sigurnost dakle. Eto koliko su brinuli neki o tome, komisija za sigurnost je bitna prebitna itd. Nije e bilo nikako. Dakle pokrenuo sam inicijativu i formirana je Komisija za sigurnost.

U to vrijeme policijski komesar nije mogao disciplinski odgovarati, provjere za prijem policijskih službenika nisu vršene iako su u svakoj državi u svakom periodu u svakom dobu vrše i dakle i niz drugih anomalija, što je bio razlog da pokrenem formiranje Komisije da se pokrene određena reforma, prije svega zakonodavnog okvira kad je u pitanju funkcionisanje

organa unutrašnjih poslova u Kantonu Sarajevo. Dakle i ukoliko ima prostora da se od tih 7 članova zaista uđe 1 član ispred SDA ja zaista to svesrdno podržavam zato što to ne ne vidim, pa eto iz opozicije, to je SDA. SDA ima 7 članova u Skupštini pa neka bude iz SDA. Dakle ne vidim nikakvo tamo skrivanje informacija, mogućnosti ovakvi onakvih. Vidim samo doprinos i mogući doprinos tu postoji u odvijanju ovi procesa. Kad je u pitanju sam gospodin Okerić kome spočitavaju da je već jedan mandat bio predsjedavajući Komisije za sigurnost, dakle moram priznat da je on predlagao mene sada da preuzmem tu Komisiju, ja sam kazao sljedeće: Ti Okeriću imaš kontinuitet sada u toj si materiji puno je bolje da ti to nastaviš da vodiš nego da sada ja se vraćam dakle i da da kako da kažem u neke procese koji su u toku. I u potpunosti lično, personalno podržavam to da nastavi u Okerić da bude predsjedavajući Komisije sigurnost. A evo kažem ukoliko je moguće podržavam da 1 član iz opozicije uđe u tu Komisiju, ne vidim tu ništa. Da sam ja sada član te Komisije a bih izašao nek uđe neko kod tih kao što sam ovo tamo kad je bilo za Komisiju zakonodavno- pravnu komisiju onaj koja je isto tako vrlo važna pa sam to predsjedavanje prepustio drugom kolegi. Hvala.

### **Elvedin Okerić (Predsjedavajući)**

Zahvaljujem se zastupniku Ademoviću. Zastupnik Mahir Dević, diskusija.

### **Mahir Dević (poslanik/zastupnik)**

Hvala predsjedavajući. Evo ja ću probati ukratko još jednom radi javnosti da obrazložim cijeli ovaj proces onako kako sam ga ja doživio, a evo naravno imaju svjedoci cijelog tog procesa i da ponudim evo rješenja na tragu diskusija kolege Čampare i kolege Adamovića. Činjenica je da smo mi imali jednu radno konzultativni sastanak sa predsjedavajućim Komisije za izbor i imenovanja gospodinom Okerićem gdje smo napravili neku dinamiku ovih komisija.

A ja sam tada toj Komisiji predložio da se na bazi izbornog rezultata dostavi svim političkim strankama njihovo učešće u komisijama. I to je zaista ispoštovano od strane predsjedavajućeg, sekretarka je dostavila prema svim političkim strankama kvote vanjskih članova. Ponavljam još jednom, kvote vanjskih članova komisija. Prema tim kvotama SDA je dobila ne znam 10 mjesta, NIP 10, sve druge stranke ovaj određen broj, neko 4, neko 6, opet neko 7 itd itd. A mi nismo ispred Kantonalnog odbora SDA Sarajevo ovaj dostavili prijedlog unutrašnjih članova tih komisija, odnosno zastupnika u Skupštini Kantona Sarajevo. Taj prijedlog je pripremio predsjedavajući Komisije gospodin Okerić i valja kazati da je vodio računa o ovaj stručnosti nekih zastupnika i njihovim strukama onoliko koliko je bio u stanju. Ja taj segment mogu razumjeti s obzirom da mu je potrebno da on kao parlamentarna većina ima većinu u svim komisijama. Razumio sam to a bilo je ovde nekih razgovora oko ove Komisije za jednakopravnost spolova, nekih zamjena je bilo ali nije bilo nikakvog insistiranje ono što je kolega rekao, možda se pogrešno izrazio, nije bilo insistiranja. Ja jesam prihvatio da to bude kolega Kapidžić, naravno, nikakav problem nije, ako on ne želi neko će drugi itd itd. Znači nismo se mi bavili kao kantonalni odbor tim stvarima. Naravno bilo je primjetno da vanjski članovi komisija, prije svega govorimo o Stranci demokratske akcije su otišli u one manje važne komisije ali sam i to ovaj razumio kao potrebu aktuelne većini da ima većinu u komisijama, što kroz unutrašnje, što kroz vanjske članove i prihvatio sam, rekao, evo ovo je OK, ispoštovali ste tih deset, to je OK. Jedinu stvar koju sam tražio da se učini tu koja je bila da kažem crvena linija je bio ovaj član Komisije i rekao sam da u tu Komisiju mogu otići ja ili ne znam evo kolega Haris Zahiragić, ovaj potpuno nevažno. Kolega Bandić je u diskusiji dao načelnu ovaj podršku tome na samoj Komisiji za izbor imenovanje. Kolega Okerić je to preglasao na Komisiji za izbor i imenovanja i odbacio je takvu vrstu mogućnosti. I logično je bilo da ja to danas iznesem na Skupštini. Prema tome, ako zaista postoji saglasnost, evo od NiP-a prije svega na neki način jel ovdje, pa evo i od te parlamentarne većine, vidim da Stranka za BiH nema ništa protiv, mi to možemo sada riješiti amandmanski bez ikakvih problema. Ukoliko se sada dogovorimo ovaj

Predlagač može dati amandman koji je sastavni dio samog prijedloga. Ukoliko vi to ispoštujete evo da neko ode da li ja, da li kolega Zahiragić nevažno, u tu Komisiju, mi ćemo kao Klub dati podršku tome. Možemo imati situaciju da imamo ovaj na neki način da to jednoglasno usvojimo. To je bio moj prijedlog. Evo to mogu potvrditi svi prisutni. Sve drugo, možda je bio loš hajde da kažem loše objašnjavanje od strane predsjedavajućeg, da ne kažem da je namjerno dezinformirao. Znači ovo je bila hronologija i redosljed svih dešavanja, evo to može potvrditi kolega Bandić. A na kraju krajeva i što nam je potvrdio i predsjednik Komisije gospodin Okerić. To je jedan džentlmenški prijedlog. Šta više, ja mislim da je taj prijedlog zaista ovaj vrlo demokratski. Znači to je nešto što ste vi sami trebali da uradite, ne da vas mi na to upozoravamo. Znači jedan član tamo od 5 članova bukvalno ne bi značio ništa. A konačno, ja mislim da bi to možda bilo i u najvećem interesu predsjedavajućem komisije jer ukoliko vi ne pristanete na ovu, da je tako nazovem fer primjedbu jel onda tek stavljate upitnik nad radom te Komisije. Mislim da to ni predsjedavajućem te Komisije ne treba jer valja nositi teret 4 godine. Znači mi možemo to kao amandman riješiti, da izglasamo za pet minuta ukoliko ima saglasnost i da glasamo u paketu za ove komisije i da završimo današnju sjednicu Skupštine Kantona Sarajevo. Znači do vas je.

### **Elvedin Okerić (Predsjedavajući)**

Zahvaljujemo se zastupniku Deviću. Zastupnik Elvis Vreto.

### **Elvis Vreto (poslanik/zastupnik)**

Hvala predsjedavajući. U nekoliko navrata su vas kao i predsjednik Komisije za izbor i imenovanja i predsjedavajućeg pokušali na neki način direktno optužiti kako ste vi to kreirali i kako ste vi ta imena redali. Evo kolega Dević je mislim u jednom dijelu zaista korektno rekao kako je došao dokument od strane Stranke demokratske akcije da po pitanju zastupnika ni jedno ime nije bilo predloženo od zastupnika gdje u koju komisiju onaj žele. S druge strane dostavljeno je 9 imena ili 10 vanjskih članova isto tako po imenima nigdje nije bilo precizirano od tih vanjskih članova gdje bi taj član trebao da bude u kojoj komisiji. Ne želim naravno da upućujem bilo kakvu kritiku onaj u tom načinu rada i onaj zašto su to tako dostavili ali radi korektnosti. I kako očekivati od predsjednika Komisije za izbor i imenovanje i od ostalih šefova klubova na sastanku da rasporede te ljude u komisijama, a obzirom na činjenicu mislim da je bolje da to vi kolega Deviću kažete, vi ste imali određenih obaveza i da ste kasnili na taj sastanak i šefova klubova, tako da zaista nema smisla prebacivati odgovornost na predsjedavajućeg i na predsjednika Komisije za izbor i imenovanje, mada ja nisam znači član Komisije za izbor i imenovanje i ne bih želio da govorim o onome što se dešavalo na samoj toj Komisiji iznosi samo ovaj dio i mislim da se tu trebamo držati onaj i tog dijela, taj dio ste nekako propustili, nemam ništa protiv, evo kolege su već onaj iznijele stav i kolega Čampara i kolega Ademović da jedan član iz opozicije evo treba da bude zaista zastupljen u ovim komisijama pored Komisije za izbor imenovanja i ostalih onaj komisija, za koju vi smatrate da toliko važna i da budemo je li na jedan način da vam udovoljimo, iako ste propustili kroz ove prijedloge da nam dostavite ime i bilo koga od vanjskih članova, a ime i zastupnika koji bi obnašao članstvo u toj komisiji. Evo mislim da je bilo potrebe da ovo iznesem, možda je predsjedavajući vjerovatno je mogao to objasniti ali radi reda evo toliko predsjedavajući.

### **Elvedin Okerić (Predsjedavajući)**

Zahvaljujemo se zastupniku Vreti, zastupnik Muamer Bandić.

Replika. Zastupnik Mahir Dević pretpostavljam zastupniku Vreti.

### **Mahir Dević (poslanik/zastupnik)**

Tačno je da smo mi dostavili samo imena prezimena vanjskih članova komisija. Zašto? Zato što smo mi u dopisu koji je dostavljen bio po zaključku Komisije za izbor i imenovanje dobili

samo broj mjesta 10, a ne pozicije na koje trebamo poslati ljude. Da ste vi nama dostavili, da smo mi takvu vrstu rasporeda utvrdili pa da je rečeno SDA pripada 1 mjesto u Komisiji za sigurnost, 1 u Zakonodavno pravnoj, jedno ova Komisija za boračka pitanja, naravno da bi smo mi tada dostavili ljude poimenično za koju komisiju. Znači mi smo ovdje sami opozicija. Jel tako? Vi ste sjeli tamo pa ste to sve ovaj izdovarali zovnući ste još DF i nas i rekli ovo smo mi riješili i dogovorili prije vas, ovo je ono što vam je ostalo. I zato mi nismo mogli da kažem hoću ide u tu komisiju jer ćete konačno vi odrediti u koju će ići jer imate tamo većinu. Znači a da nekako ste kolega ostavili utisak u javnosti kao da sam ja neaktivan bio u ovom procesu. Ne znam zašto je važna informacija da sam ja kasnio petnaestak minuta na tu prvu sjednicu u potpunosti koordinaciji sa predsjedavajućim. Znači ja sam vrlo aktivno učestvovao u ovom procesu. I ponudio kompromisno rješenje. Ono što je bilo da se politički proguta opoziciji kao neka knedla u grlu, ja sam to uradio. Ako hoćete da nastavimo dalje postavljati pitanja, da nam obrazložite puno nekih drugih stvari do detalja, možemo i to raditi. Znači razumijem da trebate imati većinu. Aktivno smo u tom učestvovali. Razlog zašto nismo napisali u koju ko komisiju ide, je ovo evo i pitanje Komisije za sigurnost. I ponudili kompromis, evo ili ja ili kolege Zahiragić u tu komisiju od ovih zastupnika i da damo podršku tom. A nisam nijednog momenta rekao da nije postojala određena vrsta komunikacije i finei jedne saradnje. I na Komisiji za izbor imenovanja također. Znači to sam na neki način pohvalio jel. Ali je ovo ipak pitanje principa i demokratije.

#### **Elvedin Okerić (Predsjedavajući)**

Oprostite kolega Bandiću, jeste vi se javili za drugu diskusiju ili replicirate?. Onda replika zastupnik Muamer Bandić.

#### **Muamer Bandić (poslanik/zastupnik)**

Predsjedavajući, prije svega mislim da predimenzioniramo čitav ovaj proces bespotrebno. Zaista je bila dobra namjera da se te Komisije imenuju na način kako smo to na početku bili dogovorili, dakle da predložimo one najstručnije da kažem u te sve komisije.

Iz tih razloga smo gospodina Okerića i predložili za pred predsjednika komisije za sigurnost. Svi su bili jednoglasni za taj prijedlog jer je on tu već u obnašao prethodni mandat 4 godine tu poziciju, stručna sprema je odgovarala toj poziciji predsjednika te Komisije i nije bilo nikakvih problema. Mislim da ukoliko možemo da prevaziđemo, evo očito postoje neke naznake da bi mogli da prevaziđemo to da na neki demokratski način, evo kao kako kaže kolega Mahir Dević da ćemo pronaći unutar sebe dovoljno demokratskih principa i da to možemo prevazići da bi odluku donijeli jednoglasno. Ja sam iz tih razloga i tražio da da bude neko iz SDA iz DF-a zato što poznavajući predsjedavajućega i ostale članove te Komisije smatrao sam da oni ništa sigurno ne bi krili kako od zastupnika tako ni od javnosti jer smatram da rade zakonito i načelima i na principima zakonitosti i da zaista nema sumnjaju niti potrebe da se stvara neka sumnja da potkopavamo da kažem te naše komisije na način kako im ne poklanjamo dovoljno povjerenja i to e bio jedini razlog zbog čega sam tražio da neko iz Stranke demokratske akcije bude u toj komisiji i evo ukoliko postoji taj neki dogovor predsjedavajući, ukoliko ga možemo postići da riješimo ovo pitanje.

#### **Elvedin Okerić (Predsjedavajući)**

Ako nam ostatak diskusija idu u ovom pravcu ja bih vas zamolio da ovaj napravimo pauzu da sazovemo Komisiju za izbor imenovanja i da predložimo kandidata, s obzirom da ima većina saglasnost da nam iz opozicije evo recimo kolega Haris Zahiragić je pokrenuo ovo, s obzirom da je pravnik, evo predlažem njega da bude dio Komisije za sigurnost.

Pauza narednih desetak minuta, 15, pa nastavljamo dalje.

NASTAVAK NAKON PAUZE

**Elvedin Okerić (Predsjedavajući)**

Nastavljamo dalje sa sjednicom Skupštine Kantona Sarajevo.

Stavljam na glasanje Odluku o izboru predsjedavajućih, zamjenika predsjedavajućih, članova stalnih radnih tijela Skupštine Kantona Sarajevo u skladu sa amandmanima koje ste dobili. S obzirom da smo mi predlagač amandmani su sastavni dio te odluke.

Dobili ste, dobili ste. Jeste li amandmane dobili? Svi su dobili.

Zamolio bih zastupnice i zastupnike da se izjasne.

Zaključujem glasanje. Molim službu da objavi rezultate glasanja.

Za je glasalo 26 zastupnika, protiv i suzdržanih nije bilo.

Konstatujem da Skupština donijela ovu Odluku.

Prelazimo na tačku 6.

**AD-6.**

**PRIJEDLOG ODLUKE O IMENOVANJU PREDsjedNIKA, ZAMJENIKA PREDsjedNIKA, ČLANOVA ODBORA ZA JAVNA PRIZNANJA KANTONA SARAJEVO**

Materijal ste dobili uz dopuna materijala.

S obzirom da sam predsjedavajući Komisije za izbor i imenovanja i administrativna pitanja Skupštini Kantona Sarajevo podnijet ću uvodne napomene ispred Komisije. Komisija za izbor i imenovanja i administrativna pitanje Skupštine Kantona Sarajevo na sjednici održanoj dana 23.12.2022. godine, u skladu sa članom 37 Poslovnika Skupštine Kantona Sarajevo utvrdila je Prijedlog odluke o imenovanju predsjednika, zamjenika predsjednika i članova Odbora za javna priznanja Kantona Sarajevo koja vam je dostavljala na razmatranje i usvajanje.

Da li predstavnici radnih tijela žele riječ? Ne. Ima li pitanja. Nema. Otvaram raspravu. Zaključujem raspravu.

*Molim zastupnike da pristupe izjašnjavanju o Prijedlog odluke o imenovanju predsjednika, zamjenika predsjednika, članova Odbora za javna priznanja Kantona Sarajevo.*

Zaključujem glasanje. Molim službe da objave rezultate glasanja.

Za je glasalo 22 zastupnika, protiv ništa, suzdržana 3.

*Konstatujem da je Skupština donijela tu odluku.*

Prelazimo na tačku 7.

**AD-7.**

**PREDLOG ODLUKE O PRIHVATANJU OSTAVKE I RAZRJEŠENJU ČLANA ODBORA ZA ŽALBE JAVNO SKUPŠTINE KANTONA SARAJEVO**

Materijal ste također dobili u dopunskom materijalu.

Također s obzirom da sam predsjedavajući Komisije za izbor i imenovanja podnijet ću uvodne napomene ispred Komisije. Komisija za izbor i imenovanja i administrativna pitanje Skupštine Kantona Sarajevo na sjednici održanoj dana 23.12.2022 godine u skladu sa članom 37 Poslovnika Skupštine Kantona Sarajevo utvrdila je Prijedlog odluke o prihvatanju ostavke i

razrješenju člana Odbora za žalbe javnosti Skupštine Kantona Sarajevo koja vam je dostavljena na razmatranje i donošenje.

Da li predstavnici radnih tijela žele? Riječ. Ima li pitanja? Otvaram raspravu. Zaključujem raspravu.

*Molim zastupnice i zastupnike da pristupe izjašnjavanju o Prijedlog odluke o prihvatanju ostavke i razrješenju člana Odbora za žalbe javnosti Skupštine Kantona Sarajevo.*

Zaključujem glasanje. Molim službu da objavi rezultate glasanja.

Za je glasalo 25 zastupnika, protiv i suzdržanih nije bilo.

*Konstatujem da je Skupština donijela ovu Odluku.*

Prije nego što završimo današnju sjednicu Skupštine Kantona Sarajevo zamolio bih zastupnike koji su članovi Komisije zakonodavno-pravne, Komisije za boračka pitanja i i prostornog uređenja da ostanu. Služba priprema materijal za njihovo održavanje kako bi mogli ovaj održati sjednicu Skupštine Kantona Sarajevo i razmatrati materijal za petak.

Zaključujem današnju sjednicu. I do nekog daljnjeg viđenja, odnosno u petak se vidimo.